

鄉賢志 庶官上

宋

王質之荆公叔祖力學以孝弟稱登咸平三年第爲漢州推官累遷大理丞知大名縣通判真定府既至帥王嗣宗恃氣相陵質不校問十餘辟請視獄繫者數百當坐者纔數十餘皆當釋於是嗣宗趣有司如所處出之自是貫之密爲別白可否然皆出於嗣宗一府稱爲長者知齊州兼淮南提刑課田桑脩渠阪灌田至五萬九千頃賜書獎諭時丁謂爲相欲中傷之以事絀監池州順安鎮酒稅仁宗朝移滁州又知興元府官至尙書主客



郎中卒年六十二以子爲殿中丞累贈至諫議大夫荆
公銘其墓

王益字舜良登祥符八年進士歷官臨江判官領新淦縣
改大理丞知廬陵移知新繁到官條宿奸數人流惡處
餘以恩信治嘗歷歲不答一人改太常博士知韶州嶺
南習俗男女無別益嚴治之未幾男女之行者別途胡
安定採其事入政範官止都官員外郎贈楚國公

裴煜字如晦讀書於疎山夜聞虎嘯大言曰我終不貧賤
可更三嘯果三嘯而去遂舉禮部第一嘉祐中爲禮官
詳定大小祠制又奏國忌與大祠同日舊制樂備而不
作固忌日必哀之義然樂乃所以降格神祇非以適一

已之私也更引開元中裴寬之議以折衷卒如煜議等
丹陽得古銅鴈足鐙制作精巧乃西漢黃龍元年所造
會歐陽脩作集古錄遂以與之與歐公梅聖俞劉原父
書問酬倡甚審

晏奉禮名穎丞相元獻公之弟子時有聲真宗朝召試
翰林院與元獻同讀書秘閣賦宮洛瑞蓮賜出身授奉
禮郎聞報開書室臥家人呼弗應拉鎖就視已脫去旁
書云江外三千里人間十八年此時誰復見一鶴上寥
天時年十八

洪湜爲人和平樂易家貧以進士從鄉舉有能賦名連黜
於有司久之乃得官監黃州麻城之茶場有兄年七十

餘老不能俱行渥至官量口用俸掇其餘歸買田食其
兄未幾渥死不能歸喪曾南豐爲之傳

王雱字元澤安石長子性敏甚未冠已著書數萬言年十
十三得秦卒言洮河事歎曰此可撫而有也使西夏得
之則吾敵強而邊患博矣其後王韶開熙河安石力主
其議蓋兆於此登治平丁未進士調旌德尉雱氣豪睥
睨一世不能作小官作策三十餘篇極論天下事又作
老子訓傳及佛書義解亦數萬言時安石執政所用多
少年雱亦欲預選乃與父謀曰執政子雖不可預事而
經筵可處安石欲上知而自用乃以雱所作策及注道
德經鏤板鬻於市以傳達於上鄧綰曾布又力薦之召

見除大子中允崇政殿說書神宗數畱與語受詔選詩
書義擢天章閣待制兼侍講書成遷龍圖閣直學士以
病辭不拜安石更張政事雱實導之常稱商鞅爲豪傑
之士言不誅異議者法不行安石與程顥語雱囚首跣
足攜婦人冠以出問父所言何事曰以新法數爲人所
阻故與程君議雱大言曰梟韓琦當殲之頭於市則法
行矣安石溲曰兒誤矣卒時纔三十三特贈左諫議大
夫雱弟雱官正字以父安石陳請添差勾當江寧府糧
料院荆公嘗題旁詩云旁近詩杜家園土好花時尚有
梅花三兩枝日暮欲歸巖下宿爲貪香雪故來遲前秀
老一見稱賞不已云絕似唐人雱喜作詩如此詩甚工

也

書卻氏聞見錄後 本朝李紱 虞書戒無稽之言而周禮

大司徒以鄉八刑糾萬民七曰造言之刑造言必加之

刑者誠以其妄言無實足以變亂是非使當之者受禍

卽在身後亦蒙誥於無窮也幸而其言出於浮薄小人

聞之者猶信疑相半不幸而造言者謬附於清流則雖

賢人君子亦且信之而受之者之誣乃萬世而不自覺

不酷哉自唐人好爲小說宋元益盛錢氏之私志魏泰

之筆錄聖主賢臣動遭污噉至碧雲駸焚椒錄而倖亂

極矣其若可信者無過卻氏聞見錄由今觀之其游談

無根誣枉而失實與錢魏諸人固無以異也卻氏所錄

最駭人聽視者莫甚於記王元澤論新政一事嚴君之

前賢者在座乃囚首跣足攜婦人冠矢口妄談欲斬韓

富容貌辭氣癡妄醜惡一至於使天下後世讀者惡

元澤因併惡荆公余雖鄉曲之私亦且切齒而莫能以

相恕也顧嘗思之元澤以庶後之資早窮經學者書立

說未及弱冠已數萬言豈中無知識者且荆公薨後門

祚衰落苟非經明行脩雖私好者安能舉癡妄少年排

公論而從祀孔廟恐卻氏之說未可憑信今歲銷暑餘

暇偶一繙閱畧爲稽考時日乃知聞見錄蓋無端造謗

一絕無影響舉向時之切齒於元澤者轉而切齒於卻氏

也考荆公以熙寧二年二月叅知政事夏四月始行新

法八月以明道爲條例司官明年五月明道卽以議論不合外轉簽書鎮寧節度使劾官而元澤以治平四年丁未科登許安世榜進士第明年戊申卽熙寧元年也至二年則元澤久已由進士授旌德尉遠宦江南是明道與荆公議新政時元澤並未在京直至熙寧四年召元澤除太子中允崇政殿說書然後入京師則明道外任已逾年矣安得如邵氏所錄與聞明道之議政哉邵氏欲形容元澤醜劣則諱爲囚首跣足欲實其囚首跣足則以爲是日盛暑不知明道以秋八月任條例司至明年五月卽已外轉始深秋沍初夏中間並無盛暑之日也明道長元澤僅九歲成進士僅早十年蓋兄弟之列而韓富年輩則尤在荆公之前論是時德望亦非明道可比邵氏乃謂明道正色言方與參政論國事子弟不當預姑退而秀卽避去是元澤敢言斬韓富獨於年輩不甚遠又爲其父屬官之人一斥而卽去抑何前倨而後恭耶此皆情事所不然者元澤既除中允崇政殿說書卽預脩三經義書成進天章閣待制凡歷五年至熙寧九年遷學士始以病辭中允說書待制皆侍從之官也邵氏乃謂宰相子無帶職者神宗特命秀爲從官而秀已病不能朝皆妄說也邵氏又云荆公在鍾山恍惚見秀荷枷杻如重囚因施所居爲寺則鬼魅之妄說尤不足辨司馬溫公謂三代以前何故並無一人誤入

地獄見所謂十王者伯溫爲溫公通家子獨未之聞乎
吾不知伯溫所聞於父師者果何學也今卻氏此說編
入正史故不可不辨無使元澤蒙惡聲於後世而裨官
小說作僞之風滋長重爲人心風俗之害也或曰聞見
錄蓋伯溫歿後紹興二年其子博所編伯溫不應作僞
至此或博之爲之蓋是時天下方攻王氏博欲藉此造
言希世而取寵未可知也

蔡承禧字景繁元導子天才宏放行已孤峻與父同登嘉
祐二年第授太平州司理再調知零都縣決事明敏吏
不敢喘息熙寧中擢監察御史裏行呂惠卿帖權任私
承禧面奏其罪又疏其弟升卿考校國子監阿私章五

奏上并其黨讞之賜五品服曰旌卿讜直加集賢校理
上遣內侍李憲往熙河計置邊事諸將聽節制承禧奏
曰自古未有以兵寄閹人而不亂者鬼章患小用憲患
大事不成其禍小事有成其禍大言甚直上優容之後
出爲淮南轉運蘇文忠公稱其事君傾盡惻欵持心不
倚卒年五十累贈大中大夫有論語指歸十卷奏議詩
文三十卷于居厚

晏防字宗武元獻公姪幼學於荆公奏任崇仁主簿部使
者授密計俾何廬陵不職事以薦劾啖之不爲動轉萬
載丞行李蕭然遣家僮致米乃得歸赴調卒於京安貧
好學著有侯門集十卷具賦集一卷

陳軾字君式奏補入官不詭隨仕軾齟齬事親孝躬耕以
養親元豐中知黃州馭吏恣而治民寬郡境稱治時蘇
東坡謫居於黃人多避禍不與相親軾獨與之交以朝
奉大夫致仕東坡名其園曰中隱軒曰恭軒荆公南豐
皆賦詩以贈之

鄧考甫字成之嘉祐二年進士授虔州司理虔多盜犴獄
嘗滿考甫至裁以輕典戒無再犯獄爲清會歲饑民多
流離上疏納告乞發常平米以賑之遷萬載令興學校
勸農桑時劇賊周順剽掠江湖間累年考甫誘降其渠
魁餘黨悉平熙寧中初行保甲考甫爲提點司民皆遮
道訴考甫委曲諭朝廷意衆乃悅輸徽宗卽位日食永

言考甫時年八十一矣上言熙豐以降姦臣迭起亂天
下因枚數其人蔡京惡之遂以謗訕列名黨籍第一人
追官羈管筠州卽其家搜奏稿焚於都堂崇寧四年辛
紹興初詔贈直秘閣官其一孫太守曾紆題其墓亭曰
表直考甫嘗哀集諸史叙古今興廢之由旁羅事物爲
書數十卷名曰十世大寶龜又有文昌集三朝奏議若
千卷及伊周素蘊義命雜著太平策要二百五十餘篇
宋史作孝甫

吳居厚字惇老少孤克自奮立禱通經史善爲文詞弱冠
遊大學諸儒稱之中嘉祐八年進士第調潭州攸縣主
簿潭帥燕公度有之欲引以自助奏除武安軍節度推

官奉行常平新法課最卓異會開梅山均給蠻人禁田
招輯新附有功擢大理寺丞再遷殿中丞知安州景陵
咸平治狀益著朝廷命使東南益儲倉實以廩饑者時
郡邑均定役錢或輕重不倫司農寺以居厚在咸平治
有績請爲其屬因出規畫咸有條理使還除司農寺簿
俄遷丞元豐元年賜封擢提舉河北西治常平增損役
法五十一條皆切中時務神宗嘉其任職因進對寵諭
之賜服緋衣銀魚遷京東路轉運判官陞副使神宗銳
意理財得居厚深倚賴之諸州鹽鐵之筭居厚悉意推
行開闢之權一歸公上坐取息錢數千萬又卽萊蕪兩
鹽官自鼓鑄歲獲十餘萬緡贍是一路且輸其贏錢以
實中都神宗嘉嘆再三命進一官賜金紫服以顯異之
一日手詔曰臣績著驗未有過吳居厚者卽拜天章閣
侍制陞都轉運使居厚起常調不數年足未嘗歷臺閣
而以功能日進躡處從班前後屢降勅書優獎又請鑄
大錢以當二歲出二十萬緡給關陝兵食神宗批所奏
曰卿於職分之外卹及他路非才智有餘者不能立詔
施行哲宗初嗣位責成州團練副使紹聖初脩舉熙寧
元豐政以居厚貶非其罪初除知鄂州未赴改蘇州居
數月加集賢院脩譔江淮荆浙等路制置使尋復舊職
疏支家河通漕楚海之間咸賴其利第功進官一等汴
河遺滄未有收瘞之者暮夜多順流入淮公命設緇遮

絕要會處收瘞岸側拜戶部侍郎明年進權尚書加龍
圖閣學士權知開封府聽決精明姦充攝服請四廂各
設屋以舍適卒嚴其約束寇盜爲衰長老言治都邑前
後莫及脩奉泰陵爲橋道使坐法誦知杭州創將理院
加致醫藥使病者有歸所全活甚衆後朝廷設方安濟
大槩如所建復龍圖閣待制陝西轉運使兼制置解鹽
崇寧初還朝再尹開封奏對愷切悉當上意復學士職
除戶部尚書尋拜尚書右丞歷中書門下侍郎以撫定
遼鄆功屢增秩賜金大觀初請老不許以資政學士領
太乙宮使故事罷政當易所賜方團金毳文帶恩特許
仍舊遂著爲令坐薦舉非其人左遷端明殿學士知亮
州改提舉鴻慶宮守洪州從河東路經畧安撫使道過
國門中使資予加等入對即日畱爲祐神觀使拜門下
侍郎歲中除樞密院治門下事如故嘗獻備邊選將要
議國家有大議必遣中貴人就第諮訪所畫多合上旨
詔曰今漕計之司不當職業而務干叨朝廷卿昨使京
來未嘗告乏信材與不材之致耶再拜二府前後十年
尤以周慎自結卒年七十九贈開府儀同三司居厚性
敏悟喜讀書晝夜寒暑衣冠待旦而朝猶手書不置
所抄史記多及百餘帙文章典麗尤工於詩上覽之稱
善或俯同其韻且命錄舊所爲詩以進得數百篇上嘆
美焉有文集數百卷奏議一千二百卷藏于家

按吳居厚先世居洪州曾祖少文贈昌國公者任撫
州昭武軍鎮市照磨始居臨川北鄉沙河與晏元獻
公所居相距一里及居厚宦成始居洪州故宋史稱
洪州人居厚力行新法宋史深加詆毀舊志刪削僅
載歷仕官階若爲居厚諱惡者夫功利誠非聖賢所
取然管商富強桑劉心計亦非庸人所及新法之行
安石去之神宗信之諸人憤激爭之不能得而居厚
盡力奉行厥有成效此亦有所長非苟而已也故備
采誌狀爲傳毋令賢才之士爲深文者緝焉

尹煥字致道嗣和靖先生恩補官再任授江西茶鹽幹官
遂爲臨川人知南豐縣縣多強宗巨猾塽繩以法善類
吐氣除金州管李于銓字于平父任初授湘鄉尉始至
官選練弓兵未幾李全友帥王宣子調諸縣兵銓先至
畱之幕異時獲刦盜全火者有賞銓屢獲而屢辭除文
有告全家被刦者居二十里外馳赴之至則盜縱火如
晝弓兵環而攻之盜驚曰少府今夕亦來耶俘十餘人
以歸調南康丞邑介江廣嘗艦舟以待往來者人多其
義滿秩以親老乞外移岳陽錄參屬縣平江有富家子
奸商人妻爲商所斃縣以謀殺論銓謂捕奸與謀殺異
情直前謾宰以駁正應賞銓曰如此則置邑宰於何地
卒不受居家時宦者陳源謫徙士大夫多往見者銓所
居與相對獨不往至則闕亾謝之卒年五十三

李幾復字希顏讀書窮日夜與弟中復俱有文聲號二季
元豐八年登進士授歙州司戶權休寧令又權黟縣爲
奸民所誣休寧人號訴請幾復還舊治誣得白改知通
山縣郡守楊繪稱其如古循吏又知建昌縣歲旱馳驅
村落以什伍法計口給粟全活者多計使錄其式頒行
他邑改知崇陽民祠之以配前令張忠定通判南劍州
知渠州有休焉之志作詩曰靜中有高致難與俗人言
卒年六十有文集藏於家

李公彥字成德爽邁不羣元符二年進士授臨江軍司戶
改秩知分寧縣除勅令所刪定官宣和三年中詞學兼
茂科累遷宗正卿素爲朱勝非呂頤浩所知及當國公
彥引退除直龍圖閣淮浙發運使入爲中書舍人兼給
事中吏部侍郎以疾致仕卒年五十二平居與謝溪至
會艇齋相倡和有宮詞百餘篇及潛堂詩話文集

汪革字信民紹聖四年試禮部第一登甲科分教長沙帥
張芸叟從而受學丁外艱同僚釀金爲贖辭不受令家
人毋持官下一物見其妻所置錫水壺愀然曰以是汗
我投之江中及爲宿州教授榮陽呂希哲見之以比黃
憲茅容與其孫本中琢磨尤莫逆蔡氏當國欲得知名
士附已以周王宮教召不就曰吾異時不欲附名姦臣
傳復爲楚州教官卒年四十革生平深厚不伐稠衆中
似不能言調親文之急解衣推食無難色嘗謂人能咬

得萊根則百事可做胡康侯聞之激節嘆賞其爲學欲
明善惡別是非張表陳瓊游酢皆賢之所著有青溪類
彙論語直解若干卷淳熙丙午太守張燁繪像祠於學
宮弟莘字叔野篤學有守喜爲歌詩東萊諸呂豫章諸
洪覽稱之與二謝尤親厚登建炎二年丙科歷洪州司
理簿分宜丞舉清白第一卒年七十三所著曰歸愚齋
集妹大懿字淳夫博學多聞嘗袁溪堂師友尺牘及著
陝川耆舊傳

蔡居厚字寬夫承禧子第進士累官吏部員外郎大觀初
拜右正言遷起居郎進右諫議大夫論東南兵政七弊
又言學宮書局皆爲要途宜公選實學多聞之士無使
庸常之徒得以倖進河北河東羣盜起太原真定守皆
以不能擒捕罪去居厚言將帥之才不備養於平時故
緩急無可用宜令觀察使以上各舉所知又言比來從
事於朝者皆姑息胥吏吏強官弱浸以成風願重爲之
制改戶部侍郎所言皆切要惟以論絳進事爲言者所
摘改徽猷閣侍制奉祠卒有文集十二卷

王珣字德全荆公安石孫也紹興二家起家鹽官丞初秀
州歲以錢給亭民糶鹽至十五年積十九萬七千餘緡
不給民訴於朝特除珣爲浙西茶鹽提舉逾年盡給亭
民且贏鉅萬開華亭海河二百餘里鹽滋得流通且資
以溉田經界法行除其害者三百六十餘事其七千二

百餘戶爲尤病珥奏除之兼提點刑獄未闕月正大辟重而輕者三人死而輕者五人移湖南提舉官至直敷文閣太府少卿隆興二年卒于吳縣橫山之私第

管鑑字明仲祖師仁仕至樞密鑑力學好脩父澤補官再調江西常平提幹家於臨川改知泰寧縣佐湖南帥劉珙平劇盜以功遷建寧府通判知峽州再知全州以郡最聞還奏事上稱其老成通練除湖南提舉勸民濬陂池溉田萬六千頃蠲郴州和糴新石陂書院改薦東提刑權知廣州兼經畧安撫并漕倉提舶凡七印給循環照以考遠郡獄事之輕重久近吏不能欺移本路轉運使南惠七鄉下置廣安宅買田以給士大夫南惠不

能遣者移湖北轉運卒年六十三平生恬於利欲弟錫仕不顯盡推先業與之子湛字定夫從冲晦處士郭雍遊踐屢端方與計偕奏任爲澧州獄掾改知新建縣通判紹興府秩滿除諸司審計累遷大理丞會有大獄湛白廟堂曰狂生抵冒當誅黨惡者不可赦冒註者當未減多所全活遷大中丞全部郎中除廣西提刑遷直秘閣知靜江府兼經畧安撫區處橫山羅甸蠻皆帖服代百姓輸上供麥秋苗爲緡鉅萬人德之三遷至大理少卿卒年六十六有定齋類稿甲乙集藏于家姪瀛字季登以蔭補興國簿改知奉新縣不畏強禦劄平糶倉由湖南帥幹知潯州改肇慶府兼市舶使與之辟爲經司

叅謀會推鋒戍卒作亂於惠陽授及端康瀛與憲使議
進兵誅之事平以功加廣西提刑未至予祠踰年又除
福建提刑奉祠卒

陳孺字漢卿幼聰慧刻志於學紹興十八年進士以版綬
遷大魁中第三名授明州推官有盜穿庫藏久弗獲連
逮無辜孺疑必守藏者訊之果伏罪除秘書省正字泰
檜黨問正得幾字正色荅曰政爲小官不能正也今位
鉤軸者吞聲議和處風憲者緘嘿奸工使敵人嗚張至
此尙何正歟越數日劾去後知處州民頑吏黠孺至具
刑骨揭于市無敢犯者將上印直歲旱民遮道願畱孺
捐俸置贖民君是歲饑而不害除福建運判盜震于鄰
孺董帥討之出不意截其渠魁餘黨皆潰移帥江陵中
道而卒平生慷慨有大節著詩爲多

黃兌字悅道學問精深登紹興三年進士嘗獻美芹十策
進取四論歷官至知南雄州陛辭三劄論政事得失言
甚切至持身清廉年未七十致仕又十餘年而卒橐無
餘貲未嘗置田宅居乾淳間廉吏之一官至朝議大夫
臨川縣開國男

王謙字弱翁有交稱隆興二年進士授漢陽軍教授除武
學博士改知萍鄉縣抑強扶弱人共稱之通判澧州入
爲審計司遷將作監簿每對必指切貴近孝宗嘆曰卿
可爲直臣江浙餼推行荒政多所全活除大理丞出知

常州改吉州以部使者私感劾去知池州除湖北提刑
後使湖南丐祠歸郊恩當任子先與其侄謙性剛方所
至忤大吏立朝忤時宰羅文恭爲兵部尙書薦謙自代
曰志操剛方議論堅正履難足以觀其節應卒足以觀
其才卒年五十有七

嚴思義字仲和謹愿寡言笑乾道二年登進士授零陵簿
改興國軍教授誨人以踐履爲先攝湘鄉朱文公帥潭
薦知隨縣通判寧國府淮民流徙者賴全活會遣兵戍
邊以廩糗薄衆譁思義叱吏曰元判數目多何誤耶衆
譁呼而退徐罪其首亂者中書籍記姓名以老不願往
卒年九十四孫象祖字子文性端靜深於書從學者以

爲皆前紹定五年登進士甲科授吉州判官始至峒寇
披猖或欲清野象祖曰寇未逼城先使萬家之民破屋
廬毀生理不可乃贊郡守嚴保伍結土兵練甬禁以待
寇平陞一秩卒年五十六有拙逸雜著友竹詩平心集
林文仲字次章祖公選本閩清人爲瓊管安撫待次撫城
因家焉文仲登淳熙二年第授常德府司法李文簡公
燾以性行良實職守靖共薦之遷廣東提刑司幹官使
者孫公逢吉舉廉吏改秩知安化縣通判汀州陳公孔
碩稱其政事確實如桑麻穀粟知建昌軍丁內艱服除
造闕時權臣用事文仲不欲附麗得郢州陞辭改除輔
邵文仲曰吾寧不得好官終不能作壞操守事久之除

利路運判兼沔州嘉定初起家爲成都漕在蜀所識拔
多者頌其政和平爲蜀人所愛卒年七十子子正登嘉
泰二年第終韶州教授

孫洵字子直後奏以字爲名改字直翁登淳熙二年第尉
夷陵趙丞相雄檄入荊州幕歲饑洵謂江陵次邊未宜
傾困倒廩鄂岳常德稔請運三郡常平米賑之以漕司
椿管米濟其不足公私便之爲湖廣總所官羅公點使
金辟克戕奏官知新喻縣歲旱鄰邑宜春爲甚洵下通
商之令率三分縣糴一聽以其二趨宜春兩邑嘉賴通
判汀州權靖州改江東運管值兵興制置使邱公雷際
隨軍轉運應辦無乏除權轄分司建康時工催歲饑民

請寬上流和糴以招米商米遂輻奏後併榷場歸
總所金銀餘羨甚夥一無所私詔舉監司全臺以洵應
詔除官告院丐外得衢州根括隱賦不畏強禦霖雨糴
踊奸民嘯聚洵斬首亂雨頓止馳奏自劾褒諡有曰爲
郡固已有聲治盜亦非無勇以事忤漕司奉祠南安擇
守難其入上曰向有斬盜而晴者爲誰宰執以洵對遂
以命之值歲饑奏給祠牒撥借諸司米以賑之勸民種
麥一意安集期年卒于官郡士民上政績肖像立祠乞
賜額貳車鄭公混有挽詩云于門有後多陰德寶氏聯
名本義方又云刻木蕭公儼如在邦人啼慕及嬰孩自
號足閉居士遺文有兩漢晉唐左傳文選等畧又有谷

董一編昉元獻類要初洵父名彥爲郡吏治獄設
瓶每減一囚罪則投一錢于瓶中以錢大小別其事篤
意教子後皆成名長次康卒二季力學兩薦于鄉晚以
恩授邵州司理號順齋有文集仲洵舊名有慶靜恩好
脩登乾道二年第授江陵戶曹再轉長沙丞受知辛稼
軒改靜江教張公杓尤器之及尹京特薦自代後鎮京
西辟爲準遣知長溪邑號難治洵談笑而理人紀其書
州號孫公神見錄生平交遊彭公龜年吳公獵趙公方
項公安世其好尚可知自號隱宰

唐居誥字仁夫臨川人兄居厚淳熙五年進士又三年居
誥踵登授武陟簿廣西運幹知萍鄉縣通判處州知惠

除監登用鼓院遷左司諫起居舍人竟賀金國生辰
使改中書舍人至金會有內變悉得其國中事宜以歸
除工部侍郎實謨閣待制進學士四川制置使在蜀鎮
靜不擾蜀人宜之後罹遷謫奉祠歸率鄉之齊年危稔
等爲七老會紹定庚寅時寇逼郡境捐金粟集民丁爲
繕守計一郡安堵鄉人以春風名其樓有家集十餘卷
危稔字逢吉舊名科淳熙十四年試春官知舉洪公邁稱
其文踴厲雅健登進士孝宗更名稔調南康軍教授服
父喪免調臨安府教授倪思薦之且語人曰吾得此一
士可以報國矣丁母憂免幹辦京西安撫司公事入爲
大學錄遷諸王宮教授稔謂以教名官而實未嘗教請

改創宗子學立課試法如兩學從之嘉定九年新學成
改克博士升著作郎兼屯田郎官春夏不雨積應詔言
安邊所征斂之害與無罪而籍沒之害楮弊之改以一
奪二鹽鈔之更以新廢舊至於沮格軍賞放散死士皆
是以台怨而致旱出知潮州尋以論罷久之知漳州漳
俗視不葬親爲常往往往棧寄僧剝積命營高燥地爲義
塚二約期責之葬其無主名若有主名而力弗給者官
爲葬之凡二千三百有奇刻石以識乞歸提舉崇熙觀
與鄉里者艾七人爲真率會卒年七十四植性至孝父
疾願捐已算益親年疾尋愈真德秀登從班舉禮部代
沒又爲銘其墓自號吳齋又曰飄塘所著有吳齋集譜

經講義集解魏晉唐詩文皆有編輯又集先賢奏議曰
王府曰藥山弟和字祥仲開禧進士爲上元主簿大開
祠宇祀程顥真德秀爲記之知德興賑荒有惠政有蟾
塘文集

黃霽字彪甫父叔敖戶部尚書霽自雙井徙臨川奏任爲
明州比較務歷官至知袁州蘆蕭洞盜剽掠霽命賊曹
往諭囚籍爲兵知永州歲儂糴霽不爲禁富家得盡
發所藏民食不乏排山當湖廣之衝霽嚴保伍盜無所
容改知吉州奉祠卒霽事母泰國夫人孝伯兄爲密院
計議官道卒霽扶柩歸葬又遜薦劾於仲兄當官重用
刑每決罰稍過則蹙額曰吾德不足以化人故至是守

兩州斷辟囚纓二人初筮仕父戒曰以約失之者鮮矣
佩之終身自號靜樂居士子榮官至太府卿姪榮字子
仁祖澤補官主德安簿遷知湘陰縣前宰相余端禮爲
帥初納謁謂曰君凝重如此邑雖蔽不足治也通判江
州再改知筠州二子埈埇嘉定元年同登第埈子二埈
知肇慶府崖知南安軍子城街卽其故里

鄧泳字德載登嘉定十三年第授分寧簿居京湖制司幕
下再調江陵錄參當路交薦外改知新建縣未上都堂
稟議除太社令淮西制司機幕兼沿江制司參議加軍
器監簿措置江防招撫襄陽軍關額未幾犯邊經璽守
漢沔及齊安告急往見孟公珙勉以力疾出戰伯奏功

曰鄧制參爲第一除太常丞知鄂州尋除兵部郎中
沿江制置副使兼鄂州明年除將作監兼督府參議尋
又除直寶章閣浙東提刑過闕引見除直華文閣樞密
都承旨宗正少卿進右文殿撰同脩國史遷刑部侍郎
兼僉正天變求言泳奏愛惜根本愛惜人才愛惜目力
除寶章閣待制知太平州江東遺訓陞辭尋加華文閣
一待制除沿江制置副使兼知江州賜金帶至則節浮費
築城造舟軍政皆舉立齋杜公範信庵趙公葵交薦之
以憂去位奉祠尋謫靖州移衡州寶祐改元有旨放還
矩堂董公槐在政府奏復元官後除知建寧府以疾辭
轉通議大夫自號巽坡卒年六十九泳居官以廉見稱

居鄉以義見許晚歲坐累遷謫鄉人交惜之

饒祖堯字述古博學有氣概三薦兩選以恩授象州來賓
簿易靜江司理嘗曰仕宦未顯惟獄訟可以盡心時相
有憫自海道來舟沒所司連逮甚衆祖堯爲辨釋之漕
司有廢卒刃其徒於野圍夫被誣久不白祖堯委曲鈞
索不待榜掠而伏再調本州左司理改新建丞盜起龍
泉帥命祖堯攝令與通守共治盜土豪誣執平民請斬
以徇祖堯不可得釋後轉儒林郎告詞云飭身脩廉老
而益壯改建寧察推致仕卒有嶠南集螺川集百花州
集泉江集橘溪集族人南游字榮觀博聞強記諸史皆
默誦每讀一書不復畱本孫尚書覲勸其應賢良科不

有文集藏子家

黃植字元立忠信誠懇師南澗韓公與東萊先生爲友以
祖澤補官主南康簿時茶寇作植督運至山寺寇聞植
至竟去改秩知瑞金縣立濂溪先生祠通判無爲軍除
提領戶部犒賞所主管文字知徽州異時民賦上供銀
更取直後楮弊賤俾復輸銀植不可版曹脅之不爲動
更以最聞以浙東倉兼憲事補發累政積逋作平糶倉
鑑湖爲豪強障塞害於耕植捐緡錢買安邊所蕩地千
六百畝復爲湖以利民植薦人物未嘗形於言奉祠歸
尋起知岳州卒年六十五號畏齋贈少保子點字叔異
嘗習詞科奏任主無爲簿再調江陵料院受知於忠肅

趙公爲房州錄參知餘姚縣政事精明寇盜爲息除登
聞檢院通判襄陽府兼京湖制司機幕尋知房州會韃
擾蜀黠請制闢設山柵嚴斥堠厲丁壯爲守備計知岳
州尋除沿江制司叅議兼湖北運副加大理寺簿被旨
奏事除戶部郎官差知池州兼領江東漕會流民爲亂
點潛師討定獄中無知者踰年加直秘閣再除漕使兼
知太平州提領江淮茶鹽召除將作監兼侍右又兼左
曹勅所刪脩官予祠起知吉州以中大夫直秘閣致仕
卒年八十二

許之選字叔仁國學上合開禧元年進士授南雄州教官
時峒寇偏城等令欲棄去選毅然率同僚閱丁壯脩守
備寇遂引去檣成都漕幹官有巨商誣坐匿稅當沒入
選察其枉得釋覩了翁薦諸朝授泰和宰邑有巨奸戕
民抗政捕獲悉得其奸狀抵罪豪民懾焉再知淮安
縣有惠政授九江通判卒

程琳字奇卿寶慶二年進士志尚堅勁識慮精審調南雄
州法曹銘定中盜有號鐵鑿猛虎者倡亂郡命琳督捕
之不憚炎暑戎服徒步與摧鋒將李繼周協謀鼓勇七
日而擒二魁擢上功辟保章令而琳卒未幾繼周亦卒
郡列琳像於忠孝祠而脩以繼周守黃歲記其事

李昂字季顥嘉定元年登進士仕止彭澤令操履端方以
廉潔稱人以爲無愧于陶彭澤

趙涯字伯泳會祖坦爲江西帥司議幕因家臨川嘉定七年登進士甲科授遂安軍掌書記入仕二十年知桂陽縣端平更化召赴都堂審察提轄文思院真西山知貢舉涯爲黜檢官取舍意嚮多合明年上封事言敵勢方銳我以弱遇強爲嘗試之謀不特係安危且係存亡矣除監察御史首論邊防破王楫請和詭詐之謀歷右正言起居舍人權工部侍郎以集賢殿脩撰知泉州尋知寧國府命名皆辭卒年七十三所著有春秋集說博約陳一薦字叔復父國鼎著六經要解一薦少有文名嘉定十一年進士辟荆湖制幕王師復蔡獻俘入朝旨權均州未赴仍督府參除江西運判召爲樞密院編脩遷太府少卿終權禮部侍郎一薦久處戎幕習兵事軍府文檄皆出其手人以陳琳方之子元桂

畢允升字元吉有文名精於周禮由太學內舍登宋嘉定十六年進士授贛州教授遷沂王府教授兼史職雷變上封事言正君心及納諫責實後知郴州韶州以廉稱爲人莊重門庭清峻卒年七十四

饒應子宇定夫延年長孫紹定五年進士歷岳州教授監封樁上庫改知新建辟知定城縣寶祐五年除太學錄墜博士開慶元年進國子博士遷秘書郎兼國子編脩九月權監察御史兼崇政殿說書時江西湖南北皆受兵詔淮兵赴援命臺臣督之應子行次江上手疏淮不

可弛備宜畱兵牽制上從之或請移蹕朝堂聚議應于奮筆曰誰爲此謀宜斬又言洪天錫有犯無隱監學小臣徐庚金輩叩閤去國宜旌異之累疏下大全董宋臣等罪景定初遷大理少卿改秘書少監未幾以何夢然論罷去國年五十有七所著有南麓集三十卷

陳應龍字翔夫延年孫應子從弟端平二年進士初主餘干簿馬裕齋趙節齋交薦于朝改知德化縣下大全當國欲處以要官拒不當後理宗擢用不啻下者除監察御史首條敬天愛民用人聽言四事及戒貢羨餘明日適有帥臣貢方物者上怒却之在臺端風力甚勁或勸其婉言應龍曰言官其可婉耶竟以不合罷歸未幾提刑江東改浙西披閱案牘或終夜不寐遷直顯謨閣知紹興府兼浙東安撫勦萬年倉以惠饑民年六十卒于官所著有詩文類編六十卷史討三十卷盡心錄三十卷奏稿三卷行於世

曾淵子字畱遠一字廣微宰之七世孫也父銍嘉定十三年進士官至朝議大夫淵子與兄鴻子同登淳祐十年第歷右正言監察御史昭文館大學士權戶部尙書浙西制置使拜同知樞密院事與陳宜中不合罷知雷州端宗舟遷榔州淵子自雷來覲拜叅知政事廣西宣諭使鴻子字儀古官至吏部左曹郎官弟冲子字聖和以父蔭補瀏陽簿丞相趙葵宣撫江東西辟佐吉州節制

司知仁和縣歷守南安軍至元二十四年程鉅夫以冲子應求賢詔授福建提刑司僉事時閩部遠且險吏乘爲奸民迫爲亂冲子行部先期以檄警諭感動之無不聽服在閩三年以考功開明年代至乃歸卒年七十八龔孟夔字龍友本莫姓咸淳四年登進士第除隆興察推兩浙運幹遷臨安察推改福建運幹洪抗事殷幕議轆嶼孟夔於文法如素習決之沛然所事守帥非一皆驚服倚賴之賈似道欲見之孟夔不往元延祐二年卒年七十六有文集五十卷外集若干卷友人蔣浚以孟夔比楚爾龔之清故人稱曰楚清先生子白厚有文聲先二十年卒婦鄧盛年孀居有至行

張科字德芳端平乙未進士主邵陽簿改壽昌司法屢辟湖北制司幹官又辟兩淮宣司機宜歷太府丞除監察御史劾大閹李忠輔併其黨皆竄遠郡公論快之咸淳改元進左正言遷起居郎中書舍人權兵部侍郎丐外六年起知常德府兼湖北提舉未赴卒年六十一官至中大夫開國男

中大天國圖

六辛丑賊常發其兼隨其劫擊未幾辛丑六十一官至
劉天章至重官職張世淵中書舍人兼其府府親也後
潘文時大國李思翰給其黨皆宜縣合編冊之類
應其時時時有又指西郡道石對宜里大叔送刺歸察

夢川縣志卷之二十一

鄉賢志

明

會旦初本名旭文定公暨從弟岸之壽孫也少精敏博極
羣書以春秋連舉於有司至正丁亥中乙榜癸巳中正
榜第一聲光赫然動士林爲萬安縣學教諭再除草廬
書院出長兵亂退處于家明興舉山林懷才抱德之士
洪武六年以薦除國子監助教授將仕郎歷五載轉五
經博士朝廷以旦初老成周知太常故實事多咨訪已
而召見問郊祀之禮奏對稱旨自是數被顧問遷禮部
主事進階文林郎以直道不阿忤執政自是去官上一

日問曾某今何在將復里之左右以疾薨遂不復召
初開居益自刻苦力於文解去科舉之習一從事於
韓之學時宋翰林濂名重能文謂且初之文如文定爲
作文序新河金揭軌與同里開且初之去官而歸也軌
亦自河北至朝夕同優游田里比卒軌誌其墓且初世
居臨川贛林曾祖庭蕙祖希鵬父永孚皆以文行稱後
妻弟熊鼎時爲晉王府少傅與且初最相友善自有傳
彤字文明初從淡軒孫嶽學長遊虞邵菴門元至正十
三年進士授贛州路錄事有異政母喪去官時太祖駐
蹕金陵用薦召爲國子監博士出爲嚴州府同知召還
朝祭禮儀律令等事洪武元年除湖廣按察使

遷北平按察副使卒於官

饒備字仲恭以儒士薦試優等授翰林院博士兼潭王賓
明年陞紀善王堯出爲定興縣主簿內艱服闋入覲上
憐其老除宜黃縣學教諭洪武二十四年卒于官仲恭
有才望文章典雅嘗典河南四川文衡士服其公號率
齋道人有文集學士陶凱雅重之

張率字孟循洪武初知嘉定州是歲上海民錢鶴臬作亂
入城據之率被執脅以兵刃不屈囚繫松江郡獄旣而
大軍平松江率獲歸舊治先是朝廷命俞平章守太倉
聞嘉定失守遣兵來援會率自松江還乃諭之曰吾已
在此爾勿妄動衆謝曰幸公無恙願聽約束不敢擾州

民也民賴以安及罷任去老少皆爲之涕泣

張謙字伯恭洪武初以學行徵授司農丞奉使山東閱視郡縣庫藏金帛穀粟措置稍度報命加賜織文表裏齋四白金一百八十兩尋出爲化州同知秩朝列大夫時郡邑歸附之初職官不備謙以獨員執政信勤明決聞丁鄰邦流亡悉歸在官三年愛民興學士民戴之謫戍西涼益以德自勵尋代歸卒年九十九孫士貞永樂十九年進士任監察御史

吳承建洪武中由嚴州照磨擢知吳縣勤慎著聲爲吳中循吏之首

孫伯堅洪武二十三年由國子生除職方主事改武庫壁員外郎廷臣以才識遠敏練達政治薦之陞四川左叅政持政寬平不事苛察吏民德之轉山東按察使官爲馮臚寺左少卿

陸植字伯昂持齋孫博學能文洪武四年以明經舉除華陽主簿招逃入理誣任以治最陞方邱祠署丞轉衛輝府經歷卒年九十有詩集數卷子煥由賢人君子舉官至沂州知州以善政稱孫廣平名最以字行由國子生除監察御史陞廣西按察副使改交趾按察僉事復陞貴州左叅政太宗偉其狀貌移交趾叅政未幾歸卒于家

黎榮字希師少有經濟至元末廷臣屢薦固辭洪武辛亥

由明經博學除南賓主簿蒞事廉明吏民畏服鄰郡長
寧近蠻獠歲易五守皆爲所逐部使奏希甯可任詔爲
知州撥煨燼糜遺幣流民四歸賊解散歲餘戎州海洞
寧遠賊攻州城希甯率民兵出戰自朝至捕勢不支墮
馬大罵爲賊所害吏曰簡居敬葬之費并山下州民祠
祀之四川茶鹽運判樂夔素援不及哭詩甚哀

彦昌名以祖善詩詞洪武六年以明經舉授荊州瞿塘
統軍司大使不樂吏職病告歸有東臯舒嘯集

黃紹烈名克洪武二十七年進士授瑞安縣知縣民有暴
積逋租者逃匿山海紹烈移檄守帥緝捕歲以無遺復
督通租糧長十八名所司誤以劫掠重治之紹烈以實

謂孝白而民不究以事免歸開門授徒從游而取科第
者三十餘人撰禮經博約策場總龜書經主意各一帙
厚資學者自號石泉所著詩文曰歸田類稿

蕭三宇名瞻鼎次子自少負氣積學諱其父之不幸奮志
思紹先緒初授嘉興府知事歷事兵科擢大理評事使
西南爨麓川緬甸皆稱上旨未竟其用而歿論者惜之
朱復心號敬所洪武初以儒士舉任福安縣丞致仕復召
爲苛嵐縣丞俄山寇嘯聚朝廷命將勦捕將屠其境復
心請擒首惡以獻毋及無辜三日果獲之民得免屠時
年七十無子妾忽生男人謂陰德之報復心工詩律自
號敬所有集

許同書永樂丁酉舉人戊戌進士授御史時靖難功臣驕恣不法多藉上所賜田以爲民害同書有疏抑之權貴斂手出按兩廣風裁峻潔疏稱兩廣阻山瀕海不當以勳戚典戎恐激而爲變語極痛切又劾採珠中使爲所毒死廣民寃之著有梧臺清響集

吳昌衍永樂辛丑進士歷官監察御史劾都御史陳智廷論偉之時議欲移邊城衍奏以勞民傷財後必致患事遂寢致仕居家不妄交接卒年八十有餘

甄禮字天秩父紹庸自號琴樂領鄉試任常山教諭師範嚴飭人多景從卒于宮門弟子肖像于學宮景哲祠祀之禮正統初由明經薦任蘇州訓導歷陞萊蕪知縣曹

州知州賈曹民張明翰粟京倉虧折懼罪妄指百姓稅廩爲黃河退灘地凡六千七百頃獻孔保翼聖夫人李氏勢莫敢櫻禮歎曰吾何忍赤子失所遂報奏竟還地于民士民愛懷之陞南陽府知府未任卒所著有南坡集盧黎撰請大年並祀蘇州府學名宦祠

畢宇字時泰號菊坡正統四年進士除岷縣知縣馭吏嚴吏欲誣奏宇字以聞坐不井上吏奏下獄事白調諸暨遭喪服除待銓京師適英宗北狩宇憤中官監軍諸將不得專進止致喪師疏請盡罷之以重將權景帝不納初王振佞佛請帝歲一度僧其所修大興隆寺日役萬人靡帑數十萬閔麗冠京都英宗爲賜號第一叢林命

僧大伴佛事躬自臨幸以故釋教益熾至是宇上書言
前代大君尊奉佛氏卒致禍亂近男女出家累百千萬
不耕不織蠶食民間營構寺宇徧滿京邑所費不可勝
紀請撤木石以建軍營銷銅鐵以鑄兵杖罷遣僧尼歸
之民俗庶皇風清穆異教不行疏入爲廷議所格復知
侯官所著有菊坡叢話行世

伍福字天錫禮弟正統甲子領鄉試授咸寧教諭陞濟南
教授典文衡天順間用薦陞陝西按察僉事再陞副使
奉勅提督學政致仕卒福風格高邁言動有法詩文典
雅豕隸正行草書流麗俊美世皆推服家藏書數千卷
手自校讐至老檢閱如少壯嘗編咸寧縣志陝西通志

數十卷修纂有法所著南山居士集雲峯清賞集藏于
家

王常字大經父汝爲永樂丁酉鄉薦任韶州教授常登正
統十三年進士除監察御史巡歷居庸時沙漠有警常
固城守葺要害旦夕不怠事聞賜御制五倫書并白金
以旌其勤復巡南畿風裁茂著劉儼作兩甸觀風記以
紀其績天順元年以言事左遷知莆田縣修木蘭陂以
備早旣去言士民懷之

按王常臨川人今爲東鄉劉府志胡志俱載臨川今
仍之

黃會字吉劬祖宗彞儋州同知會景泰四年登第授行人

司左司副持身廉謹寅家敬服奉使遼陽四川俱不辱
陞南京屯田司郎中時部堂缺員僉推會署堂事綽有
可稱陞遼東苑馬司少卿卒于官

饒寶字守成幼苦學工詩文遊其門者甚眾前後至八百
人時有餽八百之號寶諄諄善誨多所造就景泰七年
領應天鄉薦授宜賓縣知縣政尚簡易持守公廉卒于
官

陳勉字白勉祖殷嘗音釋十八史畧著有湖海集勉登成
化己丑進士除工部主事提督遵化鐵廠痛革宿弊陞
刑部郎中屢平反大獄出知泉州府捕海寇禁水火莖
親澆俗漸還改作郡學雄倬爲八閩冠以憂去士民相
與立愛民碑及知福州府勢家據宋儒黃龜年塚奪還
之轉河東運使卒于官長子威次子嬰俱進士威監察
御史嬰刑部主事

吳哲字克明世以戎籍隸廣寧衛父沒哲補伍都御史某
奇之錄爲衛學生登成化八年第知嘉定縣築堤四十
里以捍海潮定南京歲額費立小婁塘市便民交易陞
御史清太僕馬價選京衛軍卒人不敢撓以私巡兩淮
鹽課鬻餘鹽二千餘萬引開各場運河八十道巡按湖
廣激揚有體洗冤甚衆巡畿內有權臣侵豐潤民地千
頃屬哲取咨哲正色詰之其人慙而止出知保定府有
寵倖欲據安肅民地請于上得旨親出定疆界氣勢巨

測哲固執不可其人曰太守無畏耶哲曰有高皇帝法
在安得不畏聞其事于朝因卒歸民弘治二年大水躬
歷村落賑給民免流殍憲臣奏其異政請特加旌擢命
未下而卒年五十

吳嵩字中立成化乙未進士授南刑部主事累陞揚州知
府楊邦弼患水嵩議築堤然不利于縉紳家有欲寢其
議製金盆壽嵩者嵩卻之堤成民至今祀嵩不懈高郵
有陳姓三人爲勢要家所誣論死嵩察其寃力白于上
得釋比歸懷金伺于途以謝嵩曰爲民雪寃職也曷謝
爲竟不納時巡讎使者貪冒甚畏嵩暴其短豫揭于部
嵩遂列其狀于朝後御史褫官而嵩僅落級尋補福州
運同自度剛介難容不赴卒之日棺衾弗具兄山助之
始窆葬于洙壽寧英德知縣曾孫賀兩淮運使姪潛引
治戍戍進士賀潛俱有傳

姚隆號竹菴登成化辛丑進士授行人以一品服出使外
國歸卽致仕益肆力問學博聞強記郡乘自宋景定後
三百年未有成書隆與金谿徐林布衣黎喆搜討嚴確
郡中文獻不墜隆之力也里有饒某者性陰刻好以誹
語污讖貴人遂加隆以出使載寶之名隆沒後子孫式
微無能辨之者傳其舊廬在南禪峯下僅蔽風雨傳雲
岑謂恨不拔謗人之舌蓋公論也

王約字資博成化丁未進士知温州平陽縣縣俗嫁女必

厚費葬必累石爲高塚以故民間多不舉女率用火葬
約首嚴論禁毀淫祠六十餘所以建社學歲饑請發粟
當路不可約曰民困甚矣救民獲罪所不辭也卒發之
擢御史出巡蘇松再按湖廣風裁甚著墨吏望風遁去
轉雲南副使丁母憂以哀毀得疾卒年五十七

吳昊字仁甫英子通詩易補天文生成化間章公士昂薦
爲五官保章正歷陞監正乾象告異必直書以奏寮屬
有缺務得其人而後薦之故監之額員未嘗備觀象臺
舊制渾儀黃赤二道交于牽軫與今之四正辰其陽經
南北軸不合兩極出入之度陰緯東西窺管又不與太
陽出沒相當故雖設而不用所用簡儀則郭守敬之遺

制也疏北極雲柱差短以測經星去極亦不能無爽昊
言授時曆元起至元辛巳今已二百一十年天與歲行
差三度餘儀象于觀天最急失今不改恐漸疏謬詔下
禮部議如其說製木椽測驗久之乃鑄爲新儀更二道
環交于璧軫其經緯雲柱自是皆與天合十年進太常
寺少卿正德元年進正卿四年卒年六十三其爲監副
時監正適缺衆以屬昊於是董公休退久矣昊疏其賢
不可及遂復詔用及童公以南京禮部尚書再乞休退
又嘗以俸餘餽之皆流俗所難者

吳潛字顯之弘治庚戌進士初授廬州府推官清滯獄陞
雲南大理知府捐俸興機雲書院會南詔苗叛潛練鄉

勇奮戰捷聞遷本道兵備副使時權璫姚體忠奉勅徵
餉司府以屬禮謁之潛不屈遂爲所中歸隱居鵬冲樓
倡明正學世稱兩川先生

李哲字希先弘治癸丑進士仕至梧州知府嚴毅端潔善
選人才在南都抗疏敢言令添設江西巡撫九江諸道
兵備省所建白八黨用事浩然乞休所著有南野集祀
鄉賢子二陽以太學爲蜀府典籍孫中以恩貢授餘干
教遷弋陽王教授歸先是郡中紳士時就僧寺講學中
爲闢地建崇儒書院復捐田以資之郡之有講會自中
始學者崇祀之稱爲致吾先生

龔護字鳴殷弘治壬戌進士歷宣城山陽知縣精於吏職

劉摘如神有殺夫以誣人者一訊而服江淮重兵相繼
軍興不乏擢南京戶科給事中前後糾劾十數上大臣
中貴憚之世廟用言者以爲光祿寺少卿尋以知天文
曆法兼掌欽天監事三年五星聚營室護上書言占書
曰五星之聚是謂改易王者有德受慶無德受殃聚房
而周祚以昌聚箕而齊桓用霸漢興聚井宋盛聚奎是
四者皆當更革之時一福一禍昭然不忒惟天寶聚于
尾箕唐德弗迪卒有安史之亂皇上中興五星適聚可
不益修聖德以承此大慶乎疏入下錦衣獄大臣交救
獲免是冬以擅傳禁書降爲宿州知州稍遷河南僉事
肅宗幸承天行宮火護與地方官械繫幾死道遇一賈

人資給甚謹問曰某故從事王輔子也父嘗言天下好
官惟山陽樂尹耳後以陝西叅政歸卒于家有木亭雜
稿

葉疎字喬新正德丁丑進士授龍泉令泉爲浙西歲邑風
氣穢戾疎以誠開諭盡完積欠御史以是稱才調劇慈
谿禱雨雨足拜火火滅傳以爲神丁外艱歸服闋赴部
慈谿與餘姚在都下者交欲得之銓部不聽補疎常山
水暮月縣大治疎更三縣率前人以爲難疎輒著績繼
陞刑部主事疾歸卒號元峯

劉穎字時秀號洪齋正德甲戌進士授開化令開俗不舉
女嚴命禁之舊無城始爲建築徵拜南臺御史丁外艱

歸服闋補浙江道御史以議大禮廷杖未幾巡按廣西
時田州岑氏搆亂總制姚鏞請討之穎力贊其謀卒斬
岑邦彥于工堯隘授計歸順岑璋殺岑猛函首以獻穎
功居多鏞欲罷兵穎言賊喻許二老人陳機匠王長子
等尚能以三萬出九死走全州則兩廣貴湖之軍決不
可撤詔夷峒兵決不可恃請撫寧侯麟領各調兵待其
再逸撲之乃一勞永逸之策因疏陳撫恤瘡痍善後八
事有詔獎勞賜白金文綺尋請養母歸內憂服闋詔復
任兩廣會穎卒貧不能殮監司郡邑長賙贈之始克成
殮奏疏大者許西孫公入各臣奏議中家存世皇璽書
有小遲集後人明經乙科百祥崧祥廩增祖堯長殿元

諭皆賢

桂天祥字子興嘉靖乙丑進士授祁門知縣時芝山魁盜
遙附粵寇倡亂漸逼徽祁故無城祥刻日興築民不勞
而工究至今利賴陞兵部職方司主事計擒趙全賜金
幣擢山東道御史出按山西晉藩依戚畹內援多不法
祥糾劾無私爲之肅然陳太后以直諫忤荊宗幽之他
所舉朝屏塚祥謂化始宮闈痛切具疏奏不報出爲順
德知府水操益勵郡有鐘傳爲魏武所鑄守廉則鳴否
則不鳴初鳴於前守木亭公天下奇之比祥蒞政其聲
益清越人以方寇忠愍考績第一卒于任明年國十五
日佩字德甫文昭裔孫嘉靖辛丑進士授行人擢御史巡
視唐關疏九邊糧餉論馮市邊政諸疏皆中肯綮按
闖首建楊鼐山李廷平朱晦菴先賢祠工于主鄉闈得
人爲盛大興陳公瑾實出其門未幾刷卷南畿以建儲
事抗疏犯世廟怒杖戍雷州與湛甘泉何古林講明理
學不以斥逐介意穆宗登極赦還時中外望佩起用臺
省薦章十數上竟不起有元山文集子如海姪如春俱
進士別有傳

范潛字孔昭少從徐給諫受尚書登嘉靖丙午鄉試築室
靈谷山二十年絕跡城市已授揚州府別駕有廉明譽
尋掛冠去貧不自給人力之范萊蕪學者私謚爲貞安
先生

周宗武字文啓舉嘉靖己酉鄉試初授瀏陽知縣服除補
宜都令會喇葵寇施州身自爲間誘渠魁而殲之治行
爲十五郡之最賜璽書褒美已遷惠州府同知備禦島
蔡嘗夜卧軍中與士卒雜處島裔聞之入年不敢入境
擢廉州府知府歷官十五年清操愈厲人謂之車廉州
夫

黃紀字子陳嘉靖己丑進士由長垣令擢御史視居庸關
時關改廢弛中官流毒紀首疏內臣紀揚奸狀上雖置
揚于法而紀亦罷稍遷大理評擢河南僉事時伊瀋不
法有詔收王正懼欲爲亂紀單騎開示禍福詔套蓋王
高埔友側遂安紀儀觀甚偉遇事果決無所遜竟以此
見忌甘不達

單文盛字贊父字曾孫也嘉靖戊午舉人署長興教諭聘
授廣西舉士入而金輝漢得領解額旋成進士陞政和
縣省減羨例邑有巨寇營窟藩柵爲自鹿地盛列其罪
于市而杖殺之奸民裂山鑄鑪大妨稽事盛以利一第
百申請于上民始有本富最調靖江靖環海凶命竄入
爲盜盛募良家子統領保甲法互相糾察凡出入必稽
朔望必報行之期年夜戶不閉旋以力辨黃忠寃獄忤
勢要罷歸

陳文燧字汝相別號愚所舉嘉靖辛酉鄉試壬戌成進士
皆冠一經由行人授監察御史首疏正諸臣從祀條陳

時宜十二疏皆中肯綮尋乞養起補河南道出巡宣大
視學賑荒直糾代藩橫肆狀疏互市悞國計大觸江陵
怒移巡雲南設義塚收塋幾四十萬先是督撫藉征農
多妄殺報功復株連無辜至是燧悉平反之時撫鎮以
放燈縱樂殺人相持不下燧並糾叅之澳獄囚四百人
奉旨處決燧止決四人不稱旨還朝適江陵奪情九卿
大小俱有疏敦請江陵私人及御史大夫以燧臺長促
具疏燧嚴詞拒之江陵還朝黜為大名兵備大名盜賊
蜂起綢繆半替盜息民安其黨又陰中之降汝州倖遷
靖江令為邑興利除毒靖民建亭于孤山觀海二處以
志去思移兵討土事人歸內侵條上方畧修理文山谷

山上關工故賞銀綺有差出備兵徐淮築堤二百里通
漕護陵功最鉅未幾拂衣歸置學田以贍弟子員置義
田義倉義館以贍族之貧者年八十餘日子五賢祠縱
譚各理深造超詣學者宗之古像于崇德祠以祀著有
小函集行世子十人朝璋常州通判世忠舉人仕終刑
部郎孫鍾盛進士別有傳錫周鍾聲俱舉人

邱嘉猷字廷獻登嘉靖甲子鄉試署山東夏津教諭陞湖
廣城步知縣民雜徭曠百計拊治三年有異績忤權要
竟拂袖歸士民扳卧不得建祠以祀孫試春歲貢

劉世亨字以進號覺吾嘉靖乙丑進士初授涇縣令序立
餘教山澤之利聽民自取春親勸耕置社倉教積貯月

胡燕見諸生致問德業申洪武六訓而衍之以導鄉愚
復令諸鄉聚武勇以巨室主之夜寇至輒獲邑故多虎
害爲文以禱虎負于去邑四鄉各有祠祀去之日士民
泣祖于采石復卽其地爲去思亭摧磬勲主事轉攷功
郎許時宰謫夔州府同知稍遷南工部復轉南吏部郎
乞休歸

傅良諫字忠所嘉靖乙丑進士與兄良言並舉于鄉初任
奉化知縣有惠政民祀之與前尹張古莊等爲四賢祠
擢南吏部主事陞重慶知府殫力撫恤邊彘無不悅服
晉兵備副使有軍功累陞山東布政司叅政弟良謙歲
薦仕至益府教授著有易經講義學者宗之

文煥號靜菴文燧弟嘉靖乙丑進士由紹興府推官拜
侍御首疏請雪兩京寃獄得莊廟俞旨遂著爲例出按
陝西直聲大振復出爲嚴州知府乞歸杜門十餘年起
爲四川副使經營屯政實京儲裕邊餉會大比屆期督
學使不終事屬文煥兼攝採實收望頗爲得人仕止浙
江布政司叅政

徐儲號仰峯嘉靖乙丑進士授青陽知縣廉明惠愛奏最
擢刑部主事已改工部郎督河張秋勤勞著績陞南寧
兵備道時交趾入貢革舊例金銀各千兩并西洋布香
各物遠人悅服立祠闕厥祀之官至陝西行太僕寺卿
曾如春字景默佩姪也嘉靖乙丑進士授行人遷刑部主

事歷員外郎中陞陝西按察司副使值邊警防禦有功
再陞浙江布政司布政使晉副都御史巡撫河南時饑
使因出徇中州得免騷動又潞藩數潛遊所在震驚如
春抗疏以聞詔責護衛諸臣民始晏然已陞工部侍郎
總督河道會蒙牆大決竭力拮据工畢上加優恤尋以
勤勞邁疾不起特予祭葬弟如川萬曆癸酉舉人官叅
議姪孫國楨萬曆丙辰進士仕至太僕少卿曾孫應星
康熙九年進士任內閣中書

易文年十五餼于庠鄉試擬第一人以語過奇不果明年
以選貢卒業太學資滿授高淳丞署縣事官廨學官相
其緩急輕重以次修葺築堤捍水爲當道倚重告歸講

學生徒雲集著有詩書春秋大義秋潭集若干卷祀高

淳名宦

傅國璧字玉吾隆慶丁卯鄉薦署太湖教諭尋擢萊蕪令
縣故人文不振謁廟時諸生爲言有祟穴於聖宮璧曰
焉有邪能勝正者殿廡敝甚鼎新之足矣比掘地得怪
骨長二尺許色微黃聽之唧唧有聲命焚之祟絕其年
遂有吳鴻功鴻洙兄弟相繼登第至今有除祟亭記左
遷改南助教朱蘭岫焦漪園皆國璧所契拔士陞大理
府別駕終養不赴卒祀鄉賢孫奇觀奇功俱歲貢

徐汝陽號敬吾父宏癸卯舉人歷扶溝懷寧兩縣有政聲
汝陽嘉靖甲子舉人登隆慶戊辰進士授武進令政繁

訟健胥役窟穴最深汝陽至積弊頓除巡撫海公瑞行
部特疏首薦擢武選司主事條上兵事十二策得旨頒
行會東粵諸徭踞羅旁累歲殺將縛官嶺南大震特勅
汝陽以僉事討賊單車抵瀧水卽圍上方畧謂調客兵
煩費惟專用廣兵便乘賊出掠提精銳五千入趨峒火
焚藤橋張兩翼以待賊還猝聞官軍旣入驚潰渠魁就
俘因以瀧水爲羅定州置東安西寧兩邑擢憲副增一
級留善後丁外艱歸羅人遮道哭留復除浙江憲值營
官兵以尅餉倡亂巡撫吳欲討之藩臬議召外營進勦汝
陽急止曰激則愈變立發牌招安給原餉譚伍頓戢隨
密廉倡亂者梟於市營兵肅然郡行保甲法未善市猾
一夕聚眾萬餘焚宦家圍府署院司官俱易服宵遁汝
陽單騎往東西營令健卒數十撲火使遇持刃行劫者
擒之卽獲亂首八名正法商從勿治餘黨立散適巡按
范某敎功爲顧憲使地及詘汝陽士民譁然無何孫旬
按江右遂抗疏訟言而顧方遷少司馬請告亦以濫敎
爲媿且言輯弭實汝陽力公論大彰特起福建副使遷
廣東叅政湖廣按察使晉陝西布政曠稅繁興陝頓增
械砲數萬汝陽捐俸織造儲以餉邊而復以餘給川省
朔方之窳捷播之役胥賴焉丁酉遷南京光祿卿甫半
載致政歸子僖癸卯舉人授重慶府推官未至任卒侗
戊辰恩貢曾孫元功

朱東光以福建甌寧籍中隆慶戊辰進士初任平陽知縣
有土豪殺人屠屍數十年不能斷東光甫下車廉得于
郊外立剖帶獄以爲神艱歸補祁門令以最召拜戶
科給事不避權勢出爲潁州僉事崔苻聚亂緝捕其魁
開河有功超陞山東副使尋改廣東未幾轉右叅政致
仕歸修宗譜建祠宇置義田有范文正遺風

傅元順字信吾父默司訓建安風教甚著元順隆慶戊辰
進士初任蘭谿令亢旱步禱有蛇自神座出大雨隨足
民建祠祀焉入爲大理寺評事多平反擢拜御史巡視
茶馬時議甘鎮立版許西海得轉茶以市番人元順力
諍其不可事得寢兒元和嘉靖戊午舉人守金州創建

書院申講鄉約州治西北故卑元和加築高城以防患
後果賴其用元和子亨祥萬曆乙卯舉人仕終知縣

祝永壽字以仁隆慶戊辰恩選入太學庚午領南畿鄉薦
寇詩經授福寧州守時有舊人持暮金至壽拒絕弗復
與友州負山環海盜出沒不測先是僅積亂石爲城急
不可恃壽率先更築至今賴焉陞承天府丞門無私謁
日集士紳于浩然亭賦詩懷古丁父艱歸服闋或勸之
仕壽曰曩之折腰爲吾親屈今復何取于世資平家居
三十年子數儼有聲庠序姪嶽會魁御史別有傳

經世文字汝訓隆慶庚午鄉舉授宜都令宜多山礎瘠文
爲治陂渠建義倉民賴以活荆州部分司督稅宜民多

竄入其中爲奸蠹世文覈治不少狗艱歸補當塗調大
典晉刑部員外郎謝獄北直嘗言治獄務求于法外徒
令郡理雜訊是以掾屬視郎也出守敘州陞廣西副使
致政歸弟世學以貢授武定同知稱廉能督餉太倉卒
于邸孫起鵬博雅善屬文屢舉乙榜思選授鄆陵令以
廉謹乞罷著有蒼若集

王懋德字敬甫號順齋隆慶辛未進士考授庶吉士陞檢
討時上勤于聖學日侍經筵應制撰詩辭輒荷嘉納輿
修大明會典編纂章奏尋引假歸省旣有殺人應抵者
持千金丐贖堅拒之郡邑長欲一見顏色不可得應詔
復起清望愈隆遷南少司成舟次臨清疾卒貧無以殮
諸緝紳紳借清節賻賵交至其子奉遺命皆旋謝之

吳撫謙字汝亨號文臺隆慶辛未進士遂安知縣約已祿
民陞南工部主事榷稅燕關時相國張江陵迎養其母
所至爭饋獨公不爲禮遷南北部郎出守鎮江奏請嚴
江訪建重城飭保甲皆允其議疎節獲戾落級爲兩浙
運判復阻北部郎守嘉興又以他事波及改判紹興備
兵溫處條軍政十餘事皆見施行復左遷兩淮運副陞
南比部郎僉憲西粵歷官所至皆以績望著歸與鄧文
潔李見羅諸公講修身之學著有問學晰言心鑑纂要
尤善大書

周邦傑字英甫隆慶辛未進士授無錫知縣治行卓異徵

拜工科給事中劾罷大司馬翁巡撫傑又請汰承運等
庫內官梁忠等七百人及殿內官盧朝張恩等不法事
直聲大震閱視四鎮陞吏科都給事時給事中黃道瞻
曾元亨鄒元標及御史魏允正等相繼以言事觸譴皆
上疏力救獲貸又力雪建言部臣趙世卿之冤分教禮
闈得士爲國名臣陞大僕少卿轉左通政疏乞終養居
母喪哀毀幾殆所著有潛籟二泉遊燕岳塞音吳皆明
發樓稿

徐璘號毓初弱冠隨父客平西應童子試冠軍平西士忌
之訐歸補郡弟子員萬曆癸酉魁尚書授浮梁教諭以
經術訓士陞任縣知縣任多豪族大猾能持上官短長
璘至廉其尤者寘之法餘皆斂跡創新河間以時破淺
早澇無傷甍東平知州值河決曾公如春總督河道屬
璘悉力經畫多著勞績會曾公卒爲忌者所中左遷台
州府通判陞肇慶同知倭寇乘間劫掠內地璘條陳十
四事上帥臣爲守禦計五年中郡無海氛總督張公巡
按王公文薦之以介潔寡合致仕歸卒祀鄉賢

吳贊號紹州萬曆癸酉領鄉薦年甫弱冠數不第授懷寧
教諭聘分校河南試如全公燧曰公珍許公鼎臣皆出
其門陞北京國子監助教奉旨督刊十三經註疏二十
一史轉大理寺評事獻大獄屹然不阿擢都勻知府信
著于土司民賴安枕未幾督離淮揚極力清刷會有母

喪以哀毀邁疾卒學者稱爲三蓼先生

陳文炅字予吾萬曆甲戌進士初任杭州府學教授以道
德節義砥礪諸生陞嘉興府推官洞矚隱情院司大獄
必以屬求質成者趾相錯兩臺交薦陞工部主事卒

鄒光弼號華岡萬曆己卯舉人乘鐔蘇湖人方之胡安定
陸鍾祥知縣值中官監稅開鑛貽害全走其鋒甚烈光
弼獨抗之上官誣使少姪毋懼其毒光弼慨然曰龍飛
下氣宜完輿都黎民當恤安敢以小吏值望致吾民破
死相屬乎中官陳本杜茂遂拘光弼疏奏逮治者數十

人光弼削爲民天下赴之久之復起爲都水司主事卒

祀鄉賢著大學吉本東蠶放言實錄載楚事光弼譚傳

光堯

湯顯祖字若士少善屬文有時名張居正欲其子及第羅
海內名士以張之開顯祖及沈懋學名命諸子延致顯
祖謝弗往懋學遂與居正子嗣偕偕及第顯祖至十一
年始成進士授南京太常博士就遷禮部主事十八年
帝以星變嚴責言官欺蔽並停俸一年顯祖上言曰言
官豈盡不肖蓋陛下威福之柄潛爲輔臣所竊故言官
向背之情亦爲默移御史丁此呂首發科塲欺蔽申時
行屬楊巍劾去之御史萬國欽極論封疆欺蔽時行諷
同官許國遠謫之一言相侵無不出之於外使言官皆
迴心惕息而時行安然無指摘之虞於是無罪之徒但

知自結於執政所得爵祿宜以爲執政與之縱他日不保身名而今日固已富貴矣給事中楊文舉奉詔理荒政徵賄鉅萬抵杭日宴西湖鬻獄市薦以漁厚利輔臣乃及其報命擢首諫垣給事中胡汝寧攻擊僥倖不過權門薦犬以其私人畏見任用夫陛下方責言官欺蔽而輔臣欺蔽自如失今不治臣謂陛下可惜者四朝廷以爵祿恤善類今直爲私門蔓桃李足爵祿可惜也羣臣風靡罔識廉恥是人才可惜也輔臣不越例予人富貴不見爲恩是成憲可惜也陛下御天下二十年前十年之政張居正剛而多欲以羣私人嚮然壞之後十年之政時行柔而多欲以羣私人靡然壞之此聖政可惜也乞立斥文舉汝寧試諭輔臣省愆悔過帝怒譴徐聞典史稍遷遂昌知縣二十六年上計京師投劾歸又明年大計主者議黜之李維禎爲監司力爭不得竟奪官家居二十年卒顯祖意氣慷慨善李化龍李三才梅國禎後皆通顯有建豎而顯祖贈蹙窮老三才督漕淮上遣書迎之謝不往少以文章自命其論古文謂本朝以宋濂爲宗李夢陽王世貞輩雖氣力強弱不同等贗文耳嘗摘挾獻吉于鱗元美文賦中用事出處及增減漢史唐詩字面散置几案間元美見之默然四方理學節義之賢至於禪伯詞英莫不依風景附隨所咨酬皆厭其心見人寸長如已不及獎掖後進有立談而決其終

身者事親柔聲怡色門庭肅寂俯仰自如顯文名祖海內其至性介行亦人所不能及者長于士選有異才早卒次大者由太學幕職署淳安令謝去以才學顯次開選仕至安廬道別有傳季開先辛酉恩選有潭庵集孫新德壬午舉人大耆子

劉一瀾萬曆癸未進士授江陵知縣服闋補鹿縣知縣和易近民所至皆有惠政陞兵部主事時倭寇朝鮮朝廷以朝鮮乞援欲征徵諸道兵救之持議不一無能決者一瀾條上利害遂擇行之已而倭果大敗晉慶東布政司叅政復陞兩淮運副陞河東運使謝病歸

周獻臣字窾六萬曆丙戌進士爲諸生特嘗著辨辨姦論辭理精贍黏之學宮士爭傳篤淡月乃罷仕爲太康縣知縣省刑簡訟差糧督令里戶自收自解監司交薦入京以書劾不通御史駁核調獻臣自具疏改教許州道出太康民不遠百里遮道慟哭至數千人尋擢爲國子監博士疏論大學士趙志臯吏部尙書孫丕揚畧云志臯委瑣庸流頑鈍賤品鐘鳴漏盡之年惟嗜寵利蠅膾鼠脯之性罔念朝家縱少緩兩觀之誅空亟加三褫之罰臣請亟罷志臯以誠人臣之負國者不揚性本陰邪行多廢僻假明旨爲局面趨起盜名攬部權於私邸夤緣納賄以難追曠官之譴尤當坐罔上之條臣請亟斥丕揚以誠人臣之要君者抑臣芻蕘之獻猶有進此

者國是也程顥之議新法曰天下事非一家事願以公
心處之今人品無間忠邪但廟堂嚮用卽攘臂攻擊事
體不問善敗但宮府主持卽同聲互誣甚且本樞主封
庭議主戰忌成利敗以倖億中矣賈誼曰匈奴雖疆不
過當漢一大縣關白跳梁海島計且不能席捲朝鮮碧
蹄我雖敗助彼亦困憊可觀已乃一聞封事變易則舍
皇動色繼聞封事可成則沾沾色喜舉朝惴惴若倭衆
一動我不能曰夕爲計者顏真卿之使平盧也河南尹
勸沮弗行毅然曰君命可違乎封事成敗關繫倭國禍
福關白梟雄斷無戢戎使臣之理縱或夷情不測罵賊
伏贖人臣死國之義當然耳乃一聞委差風力科臣景
首安懷莫敢肩任致累明旨切責凡此皆臣所謂國是
不定者惟我皇上厯脩省以勅天戒親臨御以肅朝常
時名對以杜壅調勤批發以疏封章懲暴怒以消肘擊
罷曠利以靖多方簡忠亮才望之士任鼎鉉銓衡之重
審因廟謨主持國是疏上孫丕揚乞休有旨准回籍調
理獻臣性簡倨縉紳乏文行者若將免焉忌者欲深中
之有愛之者謬曰此正宜渡死筆視聞耳出爲推官歷
部郎免歸年未四十也獻臣學博而思鷲務鉤奇出險
以遠俗士耳目爲推官時決獄惡吏牘不雅手自竄易
雜以古文奇字上官皆不能句咸愧怒之著書百種家
置大甕數百抄撰羣籍網羅古今異言奇事成書名曰

鴻乙通亦稱甕書葉文忠向高士其書入秘府御史以脩國史薦有旨報聞本集外所撰有嘯嶼山人語石林鷲外編英巨剩言人外勝史慈函撫言卷帙重繁甫殺青而卒年八十八

黃廷寶號二瞻萬曆癸未進士授虞衡司主事權稅杭州商告困延寶疏于朝得減稅額至今尸視焉入理節慎庫吏侵賞邊銀無算查覈補給置吏于法奉褒綸明能燭奸清可厲俗出爲雲南督學僉事著滇遊草問學真語及潘臬偶譚等語晉四川按察司副使贊平土寇馬應龍之亂官至山東叅政

秋間蘆葦叢密賊竄匿其中不可踪跡公爲設哨牌緝名姓民出入皆佩之獲盜得牌者必連坐其無牌者必詰詰嘗得盜故盜相戒不入其境脩甯顧樓以固防禦造雄鎮橋以濟津梁覲行卒于京民痛悼爲之罷市魯孫官自有傳

朱邦喜貢入太學戊子以學博售南畿改選平陽令清勤慈惠擢武郡嘉興會平湖令缺檄視篆察其最儆者掃而更之不數月條上治狀勒爲治湖良規無何湖令又缺民相率請上官丐公與巨室柄鑿險中之於計典公序掛冠行郡士民有專祠復祀之學宮子欽相別有傳周訓字子成涑溪先生裔孫萬曆壬辰成進士授工部主

事先是清寧兩宮災時奉旨建造屬訓督理例有中璫
巡視輒因緣冒破動數十萬訓殫心擘畫節省無算工
成神廟嘉賞勤勞出管淮安權稅故事昔年報滿訓任
三年皆出上意陞陝西副使加叅議尋以邊餉議移新
稅給之復與中貴左遂致政歸姪孫光啓歲貢任大同
司訓光亨邑庠生文行著聲亨之孫斯陶順治十一年
舉人

周曰庠字時化萬曆壬辰進士初授武昌令治行爲三楚
冠召拜刑科給事中屢劾工左右給事九載攷績擢太
僕少卿在諫垣首疏請釋繫起廢先後擊諸巨璫正代
藩冒竊之議督視城工節金錢無數應得紀叙謙讓不
受已酉典滿闕癸丑分校南宮凡所取士皆爲世冠冕
丁繼母艱哀如生母墀大理少卿卒有三垣奏議行世
文集雜稿藏于家

徐仲佳字仲謙父道明嘉靖乙卯鄉舉任新化松滋令皆
有廉聲仲佳萬曆壬辰進士初主比部事恤獄江北於
全二百四十餘人備兵東川杜馬千乘廢立之爭平楊
應龍叛逆之氛監紀大兵飛輓不曠大中丞李公化龍
疏列其功特晉叅議俾專理善後當日平播仲佳實與
有勞績乃後之代中丞者邊功自喜必欲盡還其侵地
仲佳力爭弗得卒以啟異論者惜焉會有母喪歸服闋
交薦不應

曾如海字粵祥佩子萬曆壬辰進士初授同安知縣折疑獄剔蠹弊靖海寇未及朞年會大旱步禱中暑病卒于官百姓哀之爲立專祠以祀著有文昌集朱華彩筆集曾宇琦字鍾玉萬曆甲午舉于鄉以癸丑會副選寧國知縣陞崇慶知州會白蓮倡亂陰結獄囚爲應宇琦覺之密搜獄中軍器緝首惡置之法一州以安爾寇變起甯成都奉檄督土司安董等救援事平以功加一級賜表襄陞保寧同知丁艱復補安慶致政歸與同鄉易應昌傅朝佑十餘人爲真率會人以洛社者英日之子奉右宗禮庚午舉人曾孫燾甲子科舉人鏞丁酉科舉人

虞以德字維脩總憲煇仲子萬曆戊戌進士工部營繕司主事抗璫節費凡即署美金毫無所染陞汀州府知府出寬抑鄒明謨十二人于大辟道路權傳仕至四川憲副兄以訓恩任慶遠知府在任時聞以德成進士卽棄官歸養稱二難云

黃廷臣作之子也由弟子員入南雍以恩拔授陳州通判尋陞河南部司都事署蘭陽篆劉倬脩學歸置義館義田鄉人高其行卒祀鄉賢廷臣六子幼華賜國學生丁卯應天副榜著樊水集及武經箋註書

倪繼範字見石癸卯鄉舉知孝感縣首建程子祠廉靜而寬雨暘朝禱夕應民以爲神去任二十年猶謳歌之居鄉嚴苦自惕議論不苟力回侈俗宴會徹歌禁令酒止

七行蓋有古介士風焉與清廉宴陞池州知州

章正岳字亦孟父伯諫以易學教授里中正岳與弟光岳
宣岳俱早有文名正岳成甲辰進士爲繁昌令愛民禮
士復補杞縣洽河救荒聲望大起以卓異徵爲吏部郎
抵京幸光岳字見前登癸丑進士由中書改吏部出爲
山東參政陞南太僕寺卿歷太常通政使至刑部左侍
郎登朝二十年游歷清暇未嘗一涉吏跡學博才敏坐
客常滿艾南英勸之曰君兄弟才性克之可分理學一
席盍乘閑著述使有稱于後笑曰古人有言正自妨人
行樂耳今縉紳人必有集腋者幾何不徹精神於無用
之支乎論者以爲達黃汝亨嘗序其文曰孟如璞

玉仲如盤中之珠其後品位皆若一語券之幼弟宣岳
負才不達以副榜終

鄒應期字興鑾萬曆三十四年鄉舉授宜春學博陞高明
知縣邑庠區文海坐誣陷十餘年應期反覆得情破械
活之或疑爲私宥使人廉應期行事適他吏犯賊論獄
廉者語之曰爾官以某案得賄盍發諸吏曰區某其察
其誣允宜出吾不忍誣上以求免也地故產毒草民間
小忿嘗服之自殺借人命居奇爲文嚴禁梓成俾相傳
頌終任草竟枯陞西安同知蒞任甫數月遭疾歸高
明祀于名宦

張璠號慎軒己酉舉人丙辰試南宮爭冠秀落寅乙榜首

授吉水諭生平景企鄒南臯既選則曰吾喜近君子矣
鄒亦樂得畏友朝夕講究吉士之尤者爲周公瑞豹劉
公同升郭公之祥王公宏劉公勛凡經臨題皆先後成
大名夫艱歸補臨淮諭轉南國學助教歷南刑部司務
陞本部主事丁父憂已卯除北刑部主事晉郎中庚辰
出守肇慶循獠叛制臺張公鏡心屬以督勦三閱月悉
平疏列瑀功第一陞日講兵備副使乞致仕兄元歲貢
任廬陵訓姪文炳丙戌舉人任舒城知縣

朱欽相字如容邗喜子也萬曆庚戌進士令平湖有聲丁

母艱補南海以治行拜史科給事熹廟方冲齡嫗嫗客

元祐龍欽相疏陳痛切禍且不測舉朝申救獲放歸乙

丑薦起太僕少卿時入閣苦海寇特晉福建巡撫欽相
奉裁偉岸每談兵能困宿將比受事言馳檄至海上召
渠帥面諭利害帥感泣歸命一時海岸盡得耕桑稱爲
異事旋以忤忠賢除名

吳之甲字元秉萬曆庚戌進士授松江推官由郎署督浙
江學政疾士子學無本源欲以唐宋制科法拔雋異士
雜詩賦詔詰試之文風自是一變兩浙之士數十年擬
甲乙成重名者皆其所品題也卒于官素以經世大業
自命不竟其用人惜之有靜樵集三十卷子奇杰辛酉
舉人

傅樾號雲岑萬曆癸丑會魁授海澄令期年調繁章莆澄

民燃燭泣送秩滿各拜刑科給事中首疏調護聖躬指
摘各氏策黔策邊策淮徐諸亂封事十上萬公璟遭縱
騎毆死輦下櫬以駕票不由刑科糾駁奏彈魏忠賢切
齒幾罹不測適天啟四年春掌院左光斗科垣魏大中
同冢宰建議驟躋樞部鄒維璉于銓司舊銓南昌吳羽
文快快掛冠同鄉兵科章允儒憤甚激魏糾核左魏恚
其異已遂訐櫬通內櫬亦訐二臣狎比納粟中書汪文
言奉旨文言杖罷諸臣免究櫬卽丁艱歸久之逆璫以
二案事私憾左魏復逮至魏文言鍛鍊至死時櫬久已
讀禮在野崇禎登極服闋始陞見聞有借端嗾已者拜
疏辨白奉溫旨傳櫬心跡自明着該部卽與銓補改兵
科給事中障太常少卿忌者終牽連奏罷其職南都立君
矣疏起廢擢授銀臺不就壽七十八司馬五經揭公抗
疏請加贈卹俱奉命旨

吳之仁字長卿別號育萬其先後唐同光中自宣城徙臨
川新畬里七世爲宋丞相覺齋公居厚之仁以進士授
中書舍人數奉使稱旨擢御史巡視北城兼理九門鹽
法所治地勲戚中貴第宅駢列其中奴客多干請撓法
號最難治之仁視事詳稽複考務衷法情天啟中魏忠
賢新寵其兄魏雙樓者恣捶人於道之仁立縛笞之數
七京師肅然政暇勤學問觀覽故事習勞苦吏民情僞
洞視指掌甲子巡關代閱奉詔覈新舊兵餉時閣學士

孫公經畧關外邊務廢弛公檄道將各具兵馬錢糧數目查核道將阿樞輔意報上多虛文之仁剔抉隱弊不少假借以此失衆意而是時內臣益放橫遊關鎮者如織之仁一切無加禮會兵小諱之仁欲繩以法羣璫遂嫉忠賢矯旨勒之仁冠帶閒住先是孫公請大出師渡河之仁度其必敗疏爭者再又三移書樞府言中國力用實不齊集深入兵家大忌孫公不聽竟踰柳河喪師二十餘萬匿不聞然朝臣咸嘉之仁有先識烈皇帝登極召還竊視離兩浙通商惠民政無不脩浙濱海諸縣皆水海寧尤甚西南有山曰鼈子門者沙岸阻潮患且大之仁亟檄所司脩築有方法至今塘堦爲百世利分守延平建寧壬申粵寇毒汀贛間之仁先事練鄉勇飭守具塞山谷間道出三千人杉關爲江西聲援賊聞遁去曉起湖廣按察使癸未進布政使甲申以病去官行至蒲圻卒

王政岐字體仁幼孤母楊苦節篝燈夜課補邑庠卽領鄉薦已未試春官乙榜授都陽諭陞陽朔知縣朔好屠牛歲輸官八百金曰牛腓稅政岐首禁私宰弗取調知臨桂縣里長例爲鹽商挽舟灘峻水駛遇舟損以賂鹽累死者無算政岐力請於上獲免通邑繪像祀之己擢寧夏同知陞晉寧知府未數月罷復起爲詔安令海寇劉香大舉執漳巡守以去政岐料民訓練詔城獲全石齋

黃太史特紀其事尋發鄉紳張士良窩盜狀良嗾族子張吉誣奏逮問事白棄官歸民老幼婦孺攜酒脯送之百里不絕凡政岐仕宦所至雖不久皆有異績卒祀鄉賢子師康熙二十六年舉人

張世涵字春育萬曆壬子鄉舉授通山知縣通故武昌屬邑而漕糧起解額赴蘄州交兌巨懸包泊以異屬輒恣勒索甚至盜賣復累里長賂償逼民苦之涵條其事請於上奉旨改兌武昌涵捐俸購民地設舍至今稱便陞兩淮運同適有中官巡鹽之命遂謝政歸

官星耀字鼎卿登萬曆乙卯舉人授河南教諭陞伊陽縣知縣縣有生員陳宗泗爲盜所誣生巨富巡按欲入其罪生具千金爲星耀壽星耀曰法不當坐而我受金星耀我任法也卒直其誣致仕歸卒年九十五

徐景行號兌西萬曆乙卯舉人授廬州司李時逆闖蹂廬支縣郡人震恐又衝蠹土豪陰利寇景行單車之任首擒巨奸數人宣法日閱視城隍進士民與商防禦要畧親於父子郡守吳某病且亟倚景行可辦賊具文請以守事委之直指梁公雲構方按泗景行往謁梁諮訪廬事條悉如瀆梁驚曰君五日理耳何神也促之任就道時忽病病輒委頓泗守以狀聞梁大駭勅承舍探病日三四報乃屬肝貽令爲具棺衾舍殮自廬守以下皆以失景行爲根合屬縉紳老稚莫不奔走狂號如矢所天

涖官不滿一旬而上臺重之百姓哀之如此

李芳字仲實萬曆丙辰進士初授中書兩黨交煽耻不爲附遷儀部主事故事清查宗室譜牒例多餽贈芬力請之有欲爲魏瑞豫造培塿者芬每稱引祖制爲言已璣出爲粵東僉事擒海寇當論功芬曰偶搏一狐耳爲繫虎可乎哉陞廣西副使宗室日咆哮芬輒抑之未幾溝疾卒宦橐蕭然所在皆記名宦

陳文焰字汝潛號少愚文燧弟生而穎異父兄期愛之萬曆己酉舉於鄉任南豐教諭課士有條未及期陞雲和知縣調繁奉化時海寇蹂躪緩輯爲難焰寓撫字於隴科士民胥勸未幾陞德州知州州號難治文焰竭勇辦

理築城浚池有功士民請祀名宦轉真定同知復陞雲南順寧知府地雜蠻裔文教不興文焰蒞任三載政化大行考滿陞莊浪副使以足疾不赴

游王廷宇登翬父大用遊滇南十載餘母氏李督課不懈弱冠與諸名碩遊卽有金石圍集行世萬曆乙卯舉於鄉登丙辰進士授蘄水令首建雲路書院以作育人材擢北京禮部主事丁艱廬墓哀毀三年有如一日起復歷郎中遷湖廣叅議備兵荆南撫循有方治城脩堤簡練軍實終廷在任土司無敢譁者遷河南按察使治糧儲復治兵下荆南左遷運副以薦起爲山東叅政命下而卒廷爲糧儲括羨金助餉爲鹽運復以鹽費數千金

助邊急公忘私時論多之子爲龍順治八年舉人署都陽學卒孫名柱與父同舉成戊戌進士

音棟字隆吉父世傑有隱德棟萬曆丙辰進士歷香山蘭溪令召入爲祠部郎典試粵東陞四川驛傳道時上官董卜與高箕稱兵相攻巡撫故與棟有卻陰請於朝屬以兵事先是董卜等入貢朝議將罷雷之棟持不可遂得釋歸至是卜論其衆口是向嘗生我者拒之不祥因與高箕盟而還亂定以功晉布政使復左遷武德道築武定城得金藏於野城戍不費公帑糧饉大集河道阻澗禱於河木驟溢數尺人以爲異轉廣東鹽法道歷浙江按察使福建布政使年八十餘卒二弟益斌及子甲戎進士亨應俱以殉難忠烈傳

晉應瑞字徵伯總河如春之從孫也父對元號廣廷幼而孤聲雋諸生間應瑞壬子舉於鄉年甫冠丙辰成進士授揭陽知縣學宮傍隙地爲巨室所據圍其城門人文數十年不振瑞毅然清復縣有妖虺四足而有聲人見之輒死一日見於階下吏胥皆欲走應瑞曰我當之若曹無與也衆心稍定自後虺不復爲妖矣入爲侍御史巡按廣西時大璫薰灼祠宇遍天下應瑞所部獨若不聞旋出爲秦憲不赴補南評事歷四川兵憲丁艱補漳南道擒渠寇金錢豹等俘馘千餘人招撫劇賊賴烏二等能得其死力忌者以計與中之歸未幾卒所著有華

國川縣志 卷之三十九

三

陳朝璋號所翼文燧長子以選貢考授常州通判水利鹽法所事立辦署司李訓決積贖撫臣徐公疏薦之是時神廟倦勤推陞差遣畱中動羈歲月壘關稅務缺屬璋代攝關使者故通商惠民而璋則通商救荒時霖雨徹旬富人局廩規利璋首捐七白金賑饑復檄召遠商販業入境價不待壓而平視荆溪豕適學使舉彙試璋所按卜君象乾周君詩雅士登楊君惟醇皆先後成進士後以解漕持法大過解中傷左遷順天府幕不赴所著史乘致誤南北史章帝王攷宰相畧扶生堂醫書行世子鍾聲已卯舉人次鍾齡例貢孫洪籌甲午武舉

吳應試字正奎萬曆丁酉鄉舉辛丑會試副榜第一琢庵馮公憫惜之爲虹縣教諭陞龍游令吏函三百金入獻曰故事也應試亦給之曰姑持去入庫卽吾外府因密察吏奸狀一日突入庫勾稽吏不及備掩篋中得五册皆私出官物權子母至數千金試盡以克述賦而論吏如法調陽春縣防海同知某誣商舟三百人爲海盜沒其貨屬應試按實且以題叙啖之試正色曰安敢死三百人求遷一官徑開釋還所掠同知謀中應試不已遂以親老乞養歸郡中有大興作如千金破萬魁塔皆應試董其成著有書經講義及丹砂餌服導引諸書行世陳鍾盛字稚德號懷我大蔡文燧孫也父朝階學博有文

名鍾盛登已未進士授海豐令調番禺聞大蔡計鍾盛非嫡孫不應奉重哀毀逾禮堅請于巡按守制以歸制撫詰責藩臬謂不當徑令回籍調改松江教授開玉帶河陸拾餘丈建岑樓以護學脈松人尸祝之丁卯晉國學助教時有太學生陸澄源等媚逆瑞魏忠賢建生祠於太學前復占耕圃及號房地以擴之鍾盛上疏言列刑餘於宮墻且祠侵御道非法會瑞收得旨皆如鍾盛奏擢禮部主事教習明馬公主已降府駙馬尙於門外日行叩頭禮三年始就婚鍾盛抗疏言非會典儀注化源所係燈正宜先得俞旨改正復言掌府內臣諸要挾狀沸瑞意謂鍾盛連章累牘有傷國體與降調大司成王廣雅公祖貫臨川人也知公尤深爲疏白其枉旋補南兵部主事編運冊新攷一書僉運之額遂定挑選門軍立爲鷹揚營以守備領之仍春秋兩操卽以操運分司公費爲賞格皆如鍾盛議擢禮部郎中出爲蘇州知府改登州府登初經兵亂廨宇蕩然悉爲脩復時皮島兵謀從登入海鎮盛知之躬擐甲胄濬城濠儲火藥登卒無恙陞曹溪道病歸逾年卒著有問天集四六採腴奚囊便覽天文月鏡剪燈紀訓等書

鄭國文字祈源操履純固博極羣書潛心爲己之學應天啟辛酉歲薦授南康訓導按院曹公檄主白鹿洞與諸生講學授藝風雨不輟歷廣東河源教諭河源士風驕

縱鮮力學者國文爲立課程嚴規則鄙倍之習一變陞
吉安府教授歸舟抵吉安城下卽爲啓事封緘部憑郡
守遣吏敦勸諸生環俟河干堅辭不赴隱居靈谷十餘
年足不抵城市子昌宸字縣北博學工文登萬曆己酉
科丙辰會試卒于錦山宸妻鄒氏以孝節著撫遺腹子
秀登順治九年進士仕終湖廣衡永道

祭流祚號匡毓父應麟天性孝友廬墓盡哀毓祚登壬戌
進士授武陵知縣舉平同政得士魏公韓等甚著聲邑
進士唐紹竟令鳳陽逆喘魏忠賢倖殺人唐按抵瑤構
申法司証罪賊殺千金籍唐家祚爲捐俸勸施猶不
星公奏請格司奉引此案斬不註效於抗聲曰朝廷額

但不及果當說此則勢瑞私憾耳奈何累祚聞者社之
當敢徵入西臺疏起竄逐諸臣又疏列閹黨孫雲鶴等
罪狀語太迫切落職歸癸酉改武選司員外典四川試
陞職方司郎中甲戌闖寇中川漸逼鳳陽條請設備以
護陵寢謂各省直撫臣皆當移鎮要地互遏賊勢時執
政王公以子不與解額憾祚特沮其議及鳳陽陷太洵
馬張公循援祚疏獲免於議秩滿當遷張公難其代陶
苗之旋爲張孫振誣奏下刑部張公累疏申救不報未
幾孫振亦坐貶下詔獄冤漸白而毓祚已卒人以未究
其用爲惜子副萬順治十六年歲薦

祝徽字文柔號懷服幼攻制舉業務以古文爲期斯然諸

生中風義自勵及門如曾公棟游公王廷皆先貴卒未嘗以入口故一希餘潤十困棘圍志愈厲辛酉雋年已五十四矣壬戌登南宮第三人授行人擢山東道御史丁卯按山西風節凜然值邊警單騎周覽扼塞險隘缺陷處圖上方畧選者故執樵採人肩賞微按實釋之嚴著爲令邊民德焉戊辰平臺召對首疏起廢進賢後刑勤政爲中興大本庚午巡陞兩浙聲譽隆國丁母艱歸時徽春秋已高猶哀毀不自勝尋遭疾卒陳大士銘其墓曰徽事親孝與士信得兄弟篤故舊過從盃酒手酌爲文勁骨奇姿其臨池之業與有韻之言皆獨成一家所著有四書十日言壁經伏日言餘集及邊防京儲鹽

等類有在手稿等書

蘇龍門原名能菱登從外祖姓附籍鍾陵兄文光貞入北監萬曆癸酉舉人任定邊知縣苗民弗率挺險以出遂爲所害南入哀之登中天啓辛酉鄉試授蕭山教諭陞梧州府司理有風力平反悉當分考得孫光敬謝允復朱心赤等尋陞蘓州府海防同知罷歸子岐鳳丙戌副貢任廣昌教諭

士楷字行之父德澄孝友端謹肆力古學七試棘闈不偶年八十七卒祀賢祠士楷登天啓乙丑進士時璫焰方熾乞假歸崇禎元年授中書丁丙艱終制攷選擬南戶科給事上親改北兵科給事中士楷遇事建白值邊

營勞午首言大將不必會推許經畧於本鎮慎擇副參
以下大帥酌量才品咨部題補庶相信既深所舉不負
上嘉納之又言課吏不急保障而急兩絲民生必蹙保
舉不先寒素而先貴胄濫倖必多時國計日絀有言暫
免倉庫者官入覲止令捐輸助餉者士楷抗議爭之謂
見小利而忘大體何以風厲天下議遂寢遷戶科右給
事疏汰殿閣冗員錦表冗校光祿冗役監局冗匠是時
關廩諸賊方熾帝發憤更張法緇峻密士楷疏言爲治
有能嚴責成可也嚴督過不可也課功賞可也課展錯
不可也詳攝恤可也語遂寢不可也上心然之格不能
行守科例久廢士楷獨持襍被入省值大雪上微行察

守衛者宜召六科惟士楷在入內特賜酒果自疏乞外
補浙江按察副使丁父憂扶病歸制哀毀骨立再逾年
卒卒數日劇盜入室忽向柩前羅拜去尋復以家人不
戒火焚室廬殆盡獨公柩獲全人以爲異著有兩垣奏
議行世

張斌字憲卿弱冠已負重名四方問奇者踵至弟子轉相
傳授者以數百人計戊午舉江西第一人乙丑成進士
歸養母夫人日爲嬰兒戲以相娛服闋補大理評事晉
南樞屬取諸風蠹剗剔之材官健兒無賢否用皆當其
材擢禮部郎勲戚有闡河以取利及占寺田者立清之
皆斂戢不取爭遷廣西蒼梧道清介自守以步禱勤瘁

卒於官歸櫬日士民扶服數百里不絕弒自諸生至監
司服御無所益歲糴以資入口無檐石之儲泊如也弟
爛以庚辰特用賜同進士授乳源令所傳尚糾生小語
等書皆其兄弟講貫之緒言也姪有儀甲子舉人有傑
順治十二年進士仕終浙江溫處道

傅永慶梅子位姪字義典號洪庵天啟丁卯舉人會試擬
元是會王廷垣主試放榜避嫌落乙榜家貧乞教授臨
江新塗廣文清廉愛士秩滿坐陞廣西潯州桂平令清
慎勤謹惠下愛民仁聲載道桂民懷之轉授雲南鶴慶
順州尹因疾足年老致仕尋轉階部郎誥封奉議大夫
長子鱗升邑庠次子中升崇禎恩拔貢棟羅城令親老
辭不就著有篋藁集二卷馬耳岡詩集四卷幼子台升
邑廩曾孫寶邑庠

徐天衢字易儒萬曆己未會魁初授行人秩滿特晉銓司
判部卽值魏璫生辰同官拉以入賀堅辭不往衆危以
禍曰吾七日吏部爾何瑕可摘璫聞立傳旨革職卽且
車騎出都門璫敗起廢辭不就子翰元舉人同知

李國楨字仲將天啟丁卯舉於鄉署浙江壽昌教諭邑令
某素驕蹇怨國楨不附已類構隙未幾民變國楨更力
爲諭解令感泣去陞耒陽知縣未歲有規銀貳千餘金
名爲解費實則官所自取國楨勒石禁之有峒賊數千
破湘潭衡山等縣國楨捐金募民兵三千人堅壁以待

賊聞從問道遁去復縱兵追至寇市斬賊數百人溺河死者無算生擒其渠自是賊橫行衝承間惟不敢入未境丁艱歸補任順昌期月卒於官湖廣崇祀名宦本祀祀鄉賢子曰濟應思邈

湯緝統字勵甫以春秋者名天啓辛酉闈中廣爲勢要所易列乙榜以恩貢入太學授東陽丞攝縣事邑號繁雜以簡靜理之邑大治遷衛經歷不赴統性端方嘖笑不苟比隣朝夕非衣冠不見也尤篤於孝友事長兄如父庶弟素橫吳屢爲所困友變終無間先數年預題死日於屏若有前知云子允泓順治甲午舉人

傅朝佑字右君幼有孝行其判股愈父疾萬曆中舉鄉試

第其年考選給事中方需次值永平初復列上善後七事帝採納之尋補授兵科明年八月疏劾首輔周延儒陰擅威福明毒忠良以機械變詐之心運刑名督責之術見佞則加之膝結袁弘勛張道濬爲心腹遇賢則墜之淵竄錢象坤劉宗周於草莽傾陷正士加之極刑曰上意不測也獲竊明旨播之朝右曰吾意固然也陛下因早求言而彼恐其揚已過故劄言官以立威陛下慎密兵機而彼用以箝人口故挫直臣以怵衆先年論其罪惡者今皆安在而親知鄉曲布列要津是豈大臣之道耶忤旨切責及中官王坤誣延儒朝佑言坤未嘗操彈

劾罷不宜侵閣臣而延儒當遣內臣之始舉朝力諫不肯以去就爭皆有罪不納給事中章正宸莊鼐獻言事獲遣抗疏救之屢遷工科左給事中疏陳當務十二事一納諫二恤民三擇相四勿以內批用輔臣五勿使中官司彈劾六勿令法外加濫刑七止緹騎八停內操九抑武臣驕玩十廣起廢十一勅有司脩城積粟十二講聖諭六條旋出封益藩事竣還里九年卽家進刑科都給事中還朝愆期爲給事中陳啓新所劾貶秩調外未行疏論溫體仁六大罪畧言人君治天下之道曰明曰斷人臣相天下之道曰虛曰公數年以來彈劾首輔體仁者章滿公車而皇上曾不決去之體仁則非惟不去也凡有言者必多方斥逐如吳執御魏呈潤劉宗周吳家周黃紹杰王績燦李曰輔詹爾遜胡江周鑑等不可殫述臣請先數其六罪而後及皇上之當明與斷可乎一曰得罪於天子陛下當邊警時特簡入閣望其匡扶社稷乃不正心誠意以聖賢之道事吾君而專務督責刻尙刑名窺陛下意在振作彼則借以快恩仇窺陛下治尙精明彼則託以張威福至陛下慎重用人屢推屢駁彼且揚言曰非我薦不用亦負恩極矣一曰得罪於祖宗鳳陽昌平皆毓靈之地體仁秉國數年曾無綢繆之計致兩地失守生靈被殃何以塞天下口乎一曰得罪於天地變理之事必責三公體仁入相以來日月交

食星辰失行太白經天風霾數見且四方皆旱五穀不
登地震河決城陷井枯而體仁乃日尋私情圖報睚眦
安望其少知愧悔以適天誅也一日得罪於封疆封疆
之事在明功罪今強敵內逼大盜四起高麗且告陷矣
體仁猶冒賞冒磨以致中外解體庶民有口何可掩也
一日得罪於聖賢國家以科目取士垂三百年體仁因
其子爲復社諸生所斥募人糾彈牽連不已又議裁減
人學額有漸罷科目之勢是焚書玩儒將見於今矣一
曰得罪於身心天地生人各有良心聖賢垂訓無踰天
理體仁順文武臣僚數百幾滿獄豈良心盡昧甘欺君
罔上抑亦徇私害正習以成性也伏願皇上大施乾斷

惠去體仁母以天變真不足畏毋以人言真不足恤
以體仁之督責逢迎爲必不可任毋以一己之精明嚴密
爲必不可恃毋以李汝燦之忠言爲逆耳毋以許自表之
直糾爲沽名毋以劉宗周易應昌等忠清執法之臣爲
可廢卹天下死難之忠節以鼓士氣復天下削奪之寇
帶以收士心體天下大小之臣僚以課實功聘天下道
德之高賢以咨治道大赦天下速更苛政省刑薄斂布
德行仁庶倒懸可解太平可致也帝怒除其名下吏按
治踰月體仁亦罷中官杜勳重朝佑令其上疏請罪而
已從中主之可復故職朝佑不應十一年冬國事益棘
獲罪者滿囚囹朝佑乃從獄中上疏爲請寬恤語過激

會有邊警未報也明年春責以顛倒賢奸撓亂國是恣意誦侮命廷杖六十劊重而卒福王時復故官

湯開遠字伯階主事顯祖子也早負器識以經濟自許崇

禎五年由舉人爲河南府推官帝惡廷臣玩愒持法過

嚴開遠疏諫其畧曰陛下臨御以來明罰救法自小臣

至大臣蒙重譴下禁獄者相繼幾於刑亂國用重典矣

見廷臣薦舉不當疑爲黨狃然堯時四岳薦鯀績用弗

成未聞并罪也惡廷臣執奏不移疑爲貌抗然漢文帝

嘗從廷尉之請卒以法止是而已也以策勵望諸臣於

是戴罪者多而不開以立功之路以詳慎責諸臣於是

引罪者衆而不諒其致誤之由墨吏宜速然望稽寬出

衣無緇能臣至三時多害五方交警諸臣怵參罰惟急

催科民窮則易爲亂陛下寬一分在臣子卽寬一分在

民至此可不再計決者尤望推諸臣以心待諸臣以禮

諭中外法司以平允至錦衣禁獄非寇賊奸宄不宜輕

入帝怒摘其疏中桁楊慘毒遍施勞臣語責令指實乃

上奏曰時事孔棘諸臣補救良難有過可議亦有勞可

準有罪可程亦有情可原天下惜其勞反忘其過傷其

情弁疑其罪究之議過不足懲過而後事轉因前事以

灰心聲罪不足服罪而故者更藉誤者以實口綜核太

過則要領失措懲創太深則本實多缺往往上以爲宜

詳宜新之事而下以爲宜畧宜仍之事朝所爲縲辱擯

棄不少愛之人又野所爲推重嗚嘆不可少之人上與下異心朝與野異議欲天下治平不可得也蘇州僉事左應選任昌黎縣令率土著保孤城事平之日擢任監司乃用小過幸以贓議城池失守者旣不少貸捍禦著績者又不獲原諒臣安所適從哉事急則鉅萬可捐事平則錙銖必較向使昌黎不守同于遵永不知費朝廷幾計金錢安所得涓滴而問之臣所惜者此其一給事中馬思理御史高倬值草場火發狂奔盡氣無救燎原此不過爲法受過耳更欲以他罪論則甚矣今歲盛夏雪雹地震京圻草場不蕪自焚陛下寬刑脩省反嚴鞠而長繫之非所以名美稱善事也臣所惜者此其一

宣天廷抄胡良機陛下知其諧練兩任畿疆尋因過候褫革輿論惜之豈成命終難反汗哉臣所惜者此其一監兗上亭吳澧宵旦河于經營漕事運弁稽違量行責戒乃褫革之又欲究治之夫兵譁則爲兵易將將譁則爲武抑文勇於譁而怯於鬪安用此驕兵驕將爲也意不得其辜旂之功緩更不得其飛輓之力臣所惜者此又其一末復爲都御史陳于廷易應昌中辨帝怒切責之河南流賊大熾開遠監左良玉軍躬擐甲胄屢致克捷帝以天下用兵意頗重武督撫失事多逮繫而大將率姑息開遠以爲偏八年十月上疏曰比年寇賊縱橫撫鎮爲要乃陛下於撫臣則用懲劓法於鎮臣則用優

遇法試觀近日諸撫臣有不褻奪不囚繫者乎諸帥臣及偏裨有一禮貌不崇升廢不遂者乎卽觀望敗衄狀顯著者有不寬假優容者乎夫懲制撫臣欲其惕而戒也優遇武臣欲其感而奮也然而封疆日破壞寇賊日蔓延者分別之法少也撫臣中清操如沈榮幹濟如慈國事習禦兩河身自爲將如元默拮据兵事沮賊長驅如吳玠或馳爰書或登白簡其他未可悉數而武臣夙爲恣睢無日不上條陳爭體統一旦有警輒逡巡退縮卽嚴旨屢頒褒如克耳如王樸尤世助王世恩輩其罪可勝誅哉秦撫甘學淵有法紀全疎一疏請正縱賊諸弁以法明旨顧切責之然則自今以後敢將當不問

矣矣臣未必無才能乃有寧甘罷黜必不肯任不敢任

者以任亦罪不任亦罪不任之罪猶輕而任之罪更重也誠欲使諸臣踴躍任事在寬文法原情實分別去留毋以一眚棄賢才至韎韐之夫不使怯且欺者倖乎其間則賞罰以平文武用命矣帝以撫臣不任者無所指實責令再陳乃上言曰帝王戡定禍亂惟此賞罰自賞罰無章於是諸臣之不肯任不敢任者罪而肯任敢任者亦罪且其罪反重勸懲無當欲戡定大亂未之前聞從來無謂督臣以伸庸帥者至今而楊嗣昌不得闢其說從來無抑言路以伸劣弁者至今而王肇坤不得保其秩王樸恒怯暴著聽敵飽去猶得與吳甡並論播之

天下不大爲口實哉若撫臣之不肯任不敢任者如陝西之胡廷晏山西之仙克謹宋統殷許鼎臣何以當日處分視後皆輕練國事元默承大壞極敝之後竭力撐持何以當日處分較前更重且近日爲辦寇而誅督臣者一逮督臣撫臣者二視撫臣者亦二甚至廵方與撫臣並議而并逮兩按臣計典與失事牽合而并褫南樞臣若監司守令之獲重譴者不可勝紀試問前後諸帥臣有一誅且逮者乎卽降而偏裨有一誅且逮者乎甚至避寇縱寇養寇助寇者皆置弗問卽或處分不過降級戴罪而已然則諸將之不肯任不敢任者直謂之無罪可乎是陛下於文武二途委任同責戚不同賜旨所請一體者終非一體矣不特此也按臣曾過當舊撫韋云力障寇鋒初非失事乃竟從速配將來無肯任敢任之按臣矣道臣祝萬齡拮据兵食寢餌俱廢至疽發於背而遽行削籍將來無肯任敢任之監司矣史洪謨作令宜陽戰守素備賊渡澠池不敢薄城及知六安復有全城之績而褫奪驟加將來無肯任敢任之州縣矣賊薄永寧舊蜀撫張論與子給事中鼎延傾貲募士夙夜登陴及論物故鼎延請恤并其子官奪之將來無肯任敢任之鄉宦矣吏部惟雜職多弊臣鄉吳羽文竭力釐剔致刀筆賈豎罔然而起羽文畧不爲撓乃以起廢一專長繫深求將來無肯任敢任之部曹矣臣讀明旨謂

諸事皆經確核以議處有銓部議罪有法司稽核糾舉
有按臣也不知詔旨一下銓部卽議降議革有肯執奏
曰此不當處者乎一下法司卽擬配擬戍有肯執奏曰
此不當罪者乎至查核去事按臣不過據事上聞有原
功中之罪罪中之功乞資於朝廷者乎是非諸臣不肯
分別也知陛下一意重創言之必不聽或反以甚其罪
也所以行間失事無不議處議罪而於蕩寇安民毫
無少補則今日所少者豈非大公之賞罰哉帝得奏大
怒命削籍撫按解京訊治河南人聞之若失慈母左良
玉偕將士七十餘人合奏乞留巡按金光辰亦備列其
功狀以告帝爲動容命釋還戴罪辦賊十年正月討平
楚粵大盜楊回論功當進秩總理王家禎復薦之乃擢
按察僉事監安廬三郡軍其年冬太子將出閣奏言陛
下言教不如身教請謹幽獨恤民窮優大臣容直諫寬
拙吏薄貨財疏滯獄俾太子得習見習聞爲他日出治
臨民之本帝深納之是時賊大擾江北開遠數有功巡
撫史可法薦其治行卓異進秩副使監軍如故十三年
與總兵官黃得功等大破革裏眼諸賊賊遂乞降朝議
將用爲河南巡撫竟以勞瘁卒官軍兵咸爲泣下贈太
僕少卿

王秉乾字以弼號太微幼聰穎於書無所不讀作文必深
刻精入崇禎丁卯舉于鄉與羅祠部萬藻同年友善羅

嘗閱所作置几案間陳行人際泰見之詫曰與吾四家不相上下何未之知耶秉乾居興章柳州世純迥他日見章謂曰子近鄉王以奕學力不減吾輩子何知而不舉耶吾欲出其所作行世共成五大家章亦以爲然未幾各以公車散去秉乾貧乃降任進賢教諭作興人才詳載進賢縣志尋趨陞長沙同知兼署襄陽道性剛毅質直不避權貴時長沙王橫肆民間婚娶責令先謁王妃輒罰數夕始出秉乾至民間訟王積案如出卽示禁嫁女不得謁王府其他厲民事並裁抑之王大畏忌思中以奇禍布政吳之仁方任楚臬秉乾同里人也因謂曰王與同知勢不兩立不如解組歸從之軍民千餘人

遂出境得免于難有明革命秉乾家居倡義勸

起膏肓一其渠帥怒擁衆來攻衆寡不敵死之所著

有四書講義天文度數說以兵燹殘失

湯維岳字山公父儒祖卽若士先生同母弟岳四歲孤若士先生怙之與諸子無異崇禎庚午領鄉薦蓋十試棘圍矣初分象山介潔寡合忤大吏解組去曰遂昌在望吾不忍負吾諸父也已再補南靖令時寇逼於垣岳寢處雉堞間未嘗解帶士民因得恃以爲固癸未陞南寧郡貳不赴清操峻節無愧家門子五有聲士林仲子緒已卯舉人

李曰池字浴威國楨姪崇禎癸酉鄉試丁丑成進士丁父

觀庚辰授鎮江司李治獄必窮極至情與爲於幣壬午
同考南闈得士袁君國梓陸君嘉循吳君國龍等皆時
譽籍甚金壇令缺屬曰池搆策曰池素稔壇胥奸狀至
卽清溢額參千五百兩扣還民間民感泣爭輸恐後癸
未考績第一甲申行取會國變不果行弘光立貴陽遣
私人啖以銖曹不應改授禮部主事掛冠歸常曰克無
欲害人之心行可以告天之事其恬夷坦白若此

張世溶字水心涵弟也少負盛名崇禎丁丑始成進士年
六十矣內閣遂安方公重其爲人請除遂安令秩滿以
卓異擬試御史時有旨行取官必再歷邊俸復補蠡縣
招徠殘民措置兵餉畿北隱然長城復召考選有兵科

之命未及入垣都城破陷賊不屈死

李如春字載陽祖良材父尊矣皆有聲賢序茹春穎慧夙
具丁卯魁於鄉丁丑成進士筮仕華亭念賦重民疲白
糧僉解者輒破家天公派運盡革陋規檢戶若于布解
春請改官解以蘇民困至今德之三泐多宿盜嘗親領
戈船入湖搜討卒已歲大歉饑民聚聚劫巨室太守某
率兵往捕譚益甚茹春單騎諭解縛其渠魁設法捐賑
民賴以安吳漕素苦軍旂勒索茹春爲建倉於水北出
入有序無敢越次民立生祠於水次以祀之暇日課士
所拔多俊彥行取陛見聞父訃奔歸哀毀過禮後大臣
交薦皆以母老辭不起生平篤倫理弟茹泰早卒弟婦

黃氏守節給視加于自待其至性類如此後華亭紳士復請祀之於名宦

國朝

鄒士楷字任之光弼孫崇禎庚午領鄉薦授南昌教諭丁父艱順治辛卯計偕簡授保定李上谷畿輔重地滿漢相牛類年惟水患道殣相望楷奉委分賑招撫流亡審斷大獄常竟夕披牘不得可生之隙不已至熒薦屬吏名實必稱總督李公巡撫董公交薦之會守缺攝府篆尤稱清簡體素旃日食不三合距家四千里儼一老僕相從卒於官生平篤志孝友潛心理學工書喜吟咏亦旁通方外家言

傅恂字鼎來天啟辛酉恩拔貢生授某府通判著有家言及經書集解子永慶領天啟丁卯鄉薦初授新淦教諭尋令廣西桂平著有朱子仁圖數帙孫台升邑廩生著有拉雲軒集數十卷三世績學行脩于家宦祀於邑有足多云

饒崇秩字抑若廸十崇禎庚午登貴州鄉薦乙酉寓金陵江南底定委署太湖縣事值流寇餘黨陷城秩密集余宗子徐鴻等募死士三十餘人投寇寨刻日內應自辛鄉勇夜破之俘獲功上陞光山知縣舊紳程世昌叛僕鄒振竄籍計主於部崇秩立正僕罪調壽寧招徠山賊民稍集防將鄧守金躍台乘他警逼浙寇主將高不能

制崇秩潛遣周輝報浙不動聲色擒之浙標董汝汪以會勦至故殺卒激衆害秩秩出片語解之陞德慶知州猺獠入寇制府王燦千奉檄督勦秩乘間歷曉諭至賊壘宣諭諸寨羅拜來歸已而餘孽復熾秩與任城守黃文魁協迫連寇匝月成功藩鎮交壯之有李英者乘間謀屠署秩計擒訊實伏法其出奇制變皆如素定他若任內革里長供應撫悅城頑梗憫舟夫累斃尤多善殿壬寅六月以勞邁疾卒士民哀勵著有鰲陽勸遊三淵巖集康城治畧康州勸撫詩行世

傅弘字自遠順治初客廣東兩廣初平當事請於朝設文學治行科檄凡占籍人士彙試之弘舉第一初授廣城清遠令隨調新寧東安西寧攝羅定州事俱有惠政閩逆平爲當事具疏免屠民命及佐總戎開臺灣辭軍功莘家居楊州所著有粵閩彙稿京華雜核等集藏於家高應星字周野號冠巖國禎姪國裕子也順治甲午舉於鄉康熙庚戌成進士會甲寅兵變閩賊易旻竊踞府城四鄉土寇蜂起劫掠村落應星團練鄉勇與官軍爲犄角勢屢殺賊兵宵小遁跡縣西北境民賴以安庚申授內閣中書舍人壬戌纂脩實錄丁卯典試河南遂乞歸杜門不出惟徜徉山水以終餘年

單國王字孝執生有至性幼從父遊學盱江聞母卒一勸幾絕及長以一日七藝入麗序順治丙戌舉十鄉壬辰

成進士。明年。選授陝西米脂知縣。米脂素瘠。貧國玉廉。愛兼施。民有起色。擢慶陽同知。以父憂未任。服闋。補萊州同知。發奸摘伏。豪猾屏跡。陞紹興知府。躬親政務。不假賓佐。暮年間。士民鑄石紀功。以前任失察。逃逝。左遷太倉知州。繩民過石。輒泣下。後以疾歸。異十年而卒。著有菊芽集。詩文藏于家。

管器。字鼓麓。幼穎異。順治辛卯。舉於鄉。授直隸寧州知縣。安平近滹沱河。廬舍數被漂沒。悉心經理。築堤引流。自是安堵。巨猾向以私鹽強市。閣至力爲捕緝。始遁。去每遇剖獄。凡請託欺誑者。悉畏伏。郊有雀鴛鴦。舉邑。廼會男女雜沓。閣開諭禁革。民俗一變。致仕歸里。不履郡。

。講學著書。終餘年。著有剩餘集。藝文萃字彙。正訛。左傳句解補注。

廖偕亨。字春寰。由廩監授雲南趙州清軍同知。與利除弊。不避勞怨。職專屯田。凡流亾逋欠。悉請蠲復。以母老乞歸。終養。值盛夏。大師取緬。大將軍令息馬趙州。知州史公詳問。協理軍需。明年師還。再駐趙州。偕亨督理芟芻。糗糧器仗。絲毫無缺。監司上其績。將題敕。而偕亨決歸。逮養一載。母卒。哀毀踰禮。後史公陞寧紹道。過里門。迎至浙署。益感其協贊之勤云。

鄭秀。字信從。順治壬辰進士。歷四川福建道監察御史。承詔鞫尚書某獄。其人左都御史明珠之姍也。先一日。明

公預屬秀脫其罪。欲具論如公。秀意珠必銜之。已而明
公以是服秀。持正深相結契。遷給事中。出爲衡永道副
使。鹽商循舊例。納費銀八千兩。秀却之。諸商俟誕日。饋
酒十二甕。秀以其誠愛之。及取酒。疑其太少。就視。嘆曰。
此八千數也。明日召諸商。還之曰。吾不飲此酒。汝輩恤
之。自是三州鹽無重價。乙卯。以疾終于家。秀踐歷中外。
數十年。家如寒素。不畜媵妾。清介之風。爲縉紳所僅存。
李仙客字孟實。號清遠生。四歲而孤。母黃守節撫之。幼穎
異。祖槃口授經。習輒成誦。至八九歲。日侍祖側。得聞性
命精微之論。皆能通曉。長益力學。喜效韓愈。曾鞏之文。
學使樊纘前評其卷曰。變變化化。古文名手。順治丁酉。
舉于鄉榜。名花。後改今名。性至孝。每事必請母命。出入
以告。母稍不豫。卽跪而請杖居喪。哀毀骨立。終身孺慕。
不衰。清遠河東地。平下歲苦水患。康熙癸丑。容倡議築
堤度形勢。定規制。計丁田出力。請于府縣。遣官監督。長
亘二十五里。田數萬頃。得無災。鄉人賴之。歷任上饒縣
學教諭。南昌府學教授。勤于講課。多所造就。每接諸生。
必以德行廉隅相砥礪。著有隱求堂稿。行世子旻。茹登
康熙癸巳。進士官內閣中書舍人。

羅立字卓如。號鷗浦生。七歲而孤。母周勤紡績以資其學。
應童子試。以七藝爲督學侯峒曾所賞。授順治辛卯。以
詩經魁于鄉。除知四川仁壽縣。縣經賊蹂躪之後。戶

口蕩盡蒿萊滿目立招徠安集與之更始稍漸復業又俗尙剽悍不知禮教立創義學延學博李維乾教之來學者給以膏火每課親爲評隲由是文學日盛攝資縣事地當孔道舊例驛馬缺額輒責民間買補胥吏爲如益滋其累立請罷之尋以病告歸壽至八十七終于家狂芳字子發號復齋康熙辛酉舉于鄉壬辰授河南中牟縣知縣辛逼黃河沃土間被浸沒芳以荒蕪地召民墾補始無賠累地當孔道軍需頗繁向例因事科派至是詳入正供民力稍紓其識力超羣決獄如神兩臺多跋他已疑案屬決之遂有白面包公之號戊戌春以上考行取民人累百赴院等語未允因建祠入所肖像以祝

之少宗伯中州景公曰珍素服治行特以廉靜保奏
擢刑部主事旋調戶部山東司主事會北新倉監督需人以芳才敏贍命兼之壬寅春五日 賜者臣盛宴芳與焉遵賦紀恩詩明年倉差勞瘁卒于京子朝溥朝浩孫常任常柏並監生

陳廷桂字資予號丹亭副使鍾盛孫觀漢子廷桂性警敏十歲能文餼庠幾三十年試輒冠軍康熙癸酉舉于鄉甲戌成進士庚辰授湖廣新寧知縣新寧屬楚南徼界連粵西民苗雜處仇殺成俗廷桂極力化導蠻風頓易縣民舊苦里胥腹御廷桂痛爲革絕民困始甦其地人文不振故耨庠入額較少廷桂親爲程課士感奮向學

入額遂與上邑同攝城步縣事苗民帖服壬午分枝楚
關所拔多知名士爲諸房寇甲申廣西軍門張公旺提
師二萬會勦辰苗初傳別路進師夜分羽檄卒至寇期
臨境桂躬親料理一晝夜所需畢備越一日大師俄集
供億無缺張公大奇其才撫軍趙公申喬風節嚴峻秉
節八年所屬得善始終者惟廷桂一人己丑以廉能奏
最谷取吏部主事趨命口泣祖河干者相望數十里抵
京數月而卒著有萍州詩集世鏡五倫類編等書行世
子自焯庚子舉人改名世榮任廣西興業知縣行取獲
主事本焯乙未選貢

管鉅字維洪由監生初任高要令歷仕至陝寧州守陞剛

有古廉吏風溢事極其敏決由高要改清河地衝
類年患水鉅興利剔弊有均田均下清屯減賦創立
學宮遷徙北王家營諸善政風土頓改民安其居清人
有仁惠及民之詞屢膺薦擢授寧州守寧賦困在包攬
鉅力除積弊清豁舊逋三閩月而賦輕刑簡頌聲咸集
旋丁內艱歸里疾卒鉅所歷州邑民皆廟祀

傅象晉字錫侯由監生官至知州其爲壽張主簿時畱心
河務脩築有法縣民多欺隱河灘象晉清查地畝以千
計好獎進人材力請濟寧巡憲行課士法供給獨任脩
徐君之墓新季札之臺規模廣大僚並敬服之子二
長天福甲辰舉人次天祿太學生

吳天璧字瞻玉號潭石康熙癸卯鄉舉第七甲戊戌進士授直隸房山縣知縣潔己愛民痛革陋規凡小民買賣出石灰每歲部紳取辦設廠開鑿權輿輸運價直不供日食璧力請于上增價減灰永著爲例民因始甦先是民未知學每數十里無誦絃聲習尙強勇輕生喜鬪壁責里鄰救解嚴坐視之罪四門設立義學擇師分教給以膏火每月一再課之自是文風一振璧性清介治房七年自奉踰于寒素宮中耗羨悉爲地方公事之費脩葺學宮工料不敷嘗典鬻衣物以足之卒之日家如懸罄易人斂費送之歸里今祀鄉賢

曾蔭棠字元占號龍門康熙甲子舉人授江南宿松知縣松

田丁正賦外舊徵損銀千餘兩濱江蕩畝里胥藉名私濟並爲民累蔭棠爲減除松民永賴每考校親自評騭遇單寒子捐捧成之癸巳科分校南關知名士王綱仲樞出其門號稱極盛治松六載清廉慈惠撫軍梁公深嘉悅焉致仕歸猶嗜學不倦卒年七十有五

王民皞字孟遷號熙園由恩貢選入太學大司成奇其才屢試第一擢授宿松知縣前令以漁蘆兩課坍塌官民賠累民皞申請再四朝命部使抵治丈量豁免民受其惠陞雲南阿迷州知州舊無城池民皞倡新建築外艱服除補均州移黃州府岐亭同知以夏逆寇亂保鄣

有功擢思南府知府民苗戴之如父母巡撫田雯委脩鎮遠府橋梁貴陽久不雨祈禱弗應田公檄民俾赴貴陽禱雨民俾至虔誠步禱甘雨立沛院司咸嘆異之以老疾乞休原品致仕家居值江西大旱巡撫聞民俾在貴陽禱雨獲應織書啟請至則甘霖應禱而降人咸驚爲神巡撫書達尊霖雨匾額差官護送歸壽九十終所著有交迴草滋餘草偶存草祈雨神書刻行

庶官補遺

邱體乾字時亨號鳳岐明萬曆己卯舉于鄉庚辰癸未兩登會副授靖安教諭陞廣州新安知縣新安瀕海荒瘠特甚住時新令至庫吏里長等具彩幣杯單設宴爲壽

乃稅糧時半官半民派體乾悉罷却之一毫無所及按民戶田丁冊籍給易知由粟民相聚驚喜曰數歲以來耶從前何煩重也以是爭輸納惟恐後期海寇劫掠中家猾多爲之主體乾悉捕寘法權貴居間者屹然不應自後寇盜無警訟獄稀息讀書課子而已治新安三年致仕歸妻無百金年九十有餘卒

陳善字慶生祖祖治丁酉鄉薦戊戌會試副榜爲文古健行法度庶乎瀟灑新昌兩縣儒學教諭年五十告歸家居二十餘年嘗耕課讀足跡不入城郭子楨改名楨以張尊任奉新縣學訓導

馮道誠萬曆間咸貢授吉安訓導規言矩行生徒敬畏督

學男應台畧屬禮待之性樂引翼後進王績燦久困諸
 字道說多方振拔後績燦登解額為侍御史有聲每稱
 于道統有國士之遇陞耶陽教授不就歸貧不異曩時
 而孝養有加為宗黨師表

蕭為龍字晉揚王庭子性孝友厚文質朴渾如其人邱毛
 伯陳六士父執友也共歎許之順洽辛卯舉于鄉任鄆
 陽教諭陳義風行誘士弗倦卒于官所著有四書禮經
 論解弟為光九歲能文兩舉副榜為文與行陸離尤稱
 是與韜擊丘科都評額安行薦為光有文武才不就志
 行趁然萍止題曰雲麓為龍子名杜戊戌進士任松行

南詞

